


一屋

七十九

# 永樂大典

卷一萬九千七百四十

之一萬九千七百四十一



永樂大典卷之一萬九千七百四十 一屋

錄

沙門灌頂國清百錄

皇帝敕。皇帝敬問。括州國清寺沙門智越法師等。僧使智瑛。臣得書具至。懷天台福地。實為勝境。所以敬為智者。建立伽藍。法緣既深。尊師義重。欲使宗匠遺範。奉而弗墜。菩薩淨業。久而彌新。然則去聖久遠。學徒陵替。規求利養。不斷俗緣。滋味甘腴。違犯戒律。此乃增長罪垢。豈謂福田。師等離有為法。求無上道。棄俗諸漏。鑑在雅懷。由須獎訓。未學修淨行。俾夫法門等侶。咸歸和合。諸佛禁戒。畢竟遵行。又此寺嘉應事表。先覺既理。由冥感。即號國清寺。并有施物。用申隨喜。冬序甚寒。道體清豫。朕巡省風俗。爰屆江都。瞻望山川。載深勞想。故遣兼通事舍人盧政。力往指此。不多。其使人盧政。力到寺宣敕。賜寺物。大業元年十一月二十九日。敕度四十九人出家。熏陸香二斛。築四周土墻。造門屋五間。設一千僧齋。物二千段。米一千斛。柱國內史令莒國公臣未上。大都督兼內史侍郎臣虞世基。大都督朝散大夫兼內史舍人臣張乾。威敕度四十九人出家。剃落竟。使人令僧作

法名灌頂。奉僧令依六事。立名使人錄奏瑞相感徹。應驗光昇。右八名依國清瑞。悉用靈字標首。寂靜真實。空如迹來。右八名依出家事。悉用道字標首。由戒定惠。眼智開覺。右八名依設齋事。悉用淨字標首。命力辯喜安住。堪樂。右八名依賜米事。悉用惠字標首。基業宗本。因果儼淨。右八名依脩治事。悉用正字標首。仿妙德願。遵普賢行。右八名依敕誠事。悉用私字標首。最後一人呼為吉祥。國清寺謝啓。天台山國清寺沙門智越一衆啓。無通事舍人盧政力至奉宣。十月二十九日敕云。天慈訓誨。賚寺瑞名。施物二千段。米一千斛。熏陸香二斛。千僧法齋。度四十九人出家。脩治寺宇。即集衆燒香。宣唱化惟聖治。德合乾坤。子養萬邦。安撫四海。助佛教化。度脫衆生。光大之恩。誠無等等。越等。雖披法衣。行不稱照。乃侍先師。每乖宗範。日夜克責。無地啓處。伏奉敕旨。頂戴受持。但凡庸小劣。不識菩薩大智。昔陳世之時。親聞師說。三國為一。有大力執人。當為造寺。寺若立。國土即清。必為國清寺。子時車書未一。不識何言。自爾以來。抱疑弗曉。奉敕賚寺國清之名。還符本瑞。山僧山民。載欣載喜。始知諸願菩薩。更相啓發。或作五品。或統萬機。光顯三尊。利益國土。慶此含情。幸聞休瑞。仰瞻寺額。即如悟道。但慈恩普被。日下同霑。而天台一方。偏感弘澤。名衣上服。相次

光臨。妙物粳糧前後降集。越等三學無功。一餐難受。况米物盈積。豈可恭  
弘。深懼不堪。慮延罪過。庶籍慈宥。展竭愚誠。奉酬宸極。但天台幽遠。自昔  
以來。單權獨行。令泰平在運。國清寺立。四十九人。一日出家。髮落障消。實  
為希有。冀其心力。增進學行。日新念念功熏。奉資皇國。又千僧結齋。凡聖  
雲集。日色華則。僧徒欣戴。仰惟先師妙德。不可思議。感應神通。必當鑑降。  
午後對使人開發靈龕。希有聖瑞。備是使人等公私道俗共見。越等悲喜  
交至。謹以啓知。謹啓。大業元年十一月二十四日。括州國清寺沙門智越  
等啓。使人盧政力還奏。開先師龕。憤不見舍利。又上行狀一卷。百司並賀。  
敕語諸公云。智者是我菩薩戒師。先多靈異。恒語我云。必若得道。得道之  
後。擁護國土利益蒼生。正於涅槃。坐於石室。容範不變。我以仁壽元年遣  
張乾威往看。儼然如舊。昨更令盧政力往親開龕門。閉塞無有聞迹。遂不  
見靈體。既已變化。得道非虛。擁護利益之言。必應無爽。今有行狀一卷。諸  
公等其觀之。諸州考使各寫一通。還所部流布。僧智瑪以三年二月二十  
七日。引入殿內。辭口敕賜幡一千二十五張。天台國清寺智者禪師碑  
文。兼秘書監直內史省開府儀同三司臣柳顧言奉敕撰。臣聞在天成  
象。

原空

之法存焉。在地成戒。區方之均。倣矣。二儀既爾。三才罔然。上聖明

王。所以敬教先覺。授道契會。方乃昇仙。是故命駕崆峒。紆光善卷。錄圖宣業。赤誦弘風。練質九府之間。騰虛六合之內。斯並權宜汲引。暫保逍遙。終覆蔽於苦空。卒遭廻於生死。未臻夫不生不滅。無去無來。匪實匪虛。非如非異。常樂我淨。凝寂恬愉。不可思議之解脫也。粵若我大隋皇帝。法諱總持。載融佛日。瑞發淨宮。利見法王。應閻浮主。以封唐入紹業。繼高辛。立聖與能。祚龍姬。發自天攸縱。包大德而翼小心。希世膺期。內文明而外柔順。知微知彰。鑑窮玄覽。廼武廼文。能事斯畢。自永嘉失馭。海內分崩。將險擅強。各樹君長。禮樂論於非所。龜玉毀於殊方。書軌競分。殆三十紀。天將悔禍。稔惡有辰。皇上道藹汾陽。迹光代邸。地隆分狹。神功潛著。于時高廟靈暮。深思統一。專征扶鉞。帝曰斯哉。惟君惟覩。知臣知子。乃揚於萬里。問罪九伐。一舉而定。江左再駕。而潛餘燼。浮天爭貢。海外有截。雖高高之備五臣。周旦之君十亂。本枝盛續。疇昔多慙。盤石究敷。契莫不於是。三能宗鉉。九命。惟揚本之以仁慈。施之以聲教。行之以要道。體之以無為。姑射杳然。尚想淵疇。滄波壯災。恩濟舟航。以為能仁。種覺降茲。忍土信相。入道淨戒。居先。梵網明文。深傳薩埵。國師僧寶。必兼禪慧。有會稽天台山。大禪師者。生而神光照室。兩目童瞳。禪師法諱智顛。潁川陳族。太立道遠。季伯風延。

典午表亂播遷華客父起祖梁使持節散騎常侍封益陽縣開國侯禪師  
風彩韶悟鄙亂希有年過少學便誦法華父為求妬方便祈上儒門史館  
多所瞥明杜下濠上彌所深得諸宮覆沒便即蔬菲及啓弱冠於長沙之  
果願寺出家護戒如明珠安心若止水歷聽經論但使一聞得之於心傳  
之于口以湘潭局狹未發大機拂跡衡陽安步墳汝往大蘇山請業惠師  
禪師禪師見便歎曰憶昔靈鷲同聽法華令進我普賢道場為說四安樂  
行停二七日誦藥王品至諸佛同讚之句寂然入定明慧便發起而白師  
師曰非爾佛感非我莫識所入定者法華三昧之前方便及聞持陀羅尼  
也縱令文字之師千群億品尋汝慧辯所不能窮於說法人中最為第一  
常約仁王纓絡龍樹馬鳴立三觀四教述師本宗以為大乘樞鍵得下御  
內碩學流通智以藏往徵育王之初建正教神以知來鑑周武之滅大法  
乃高蹈豫二翔集天台歷遊名山言造廬嶽秦孝王作鎮淮海遣信迎屈  
對使者曰雖欲相見終恐緣差即累旬大風妖賊競起水陸俱阻安坐匡  
岫既而龍於龕難仍代孝王爰屆邦城潔誠延請順流背風數日遙到亦  
既覲止便定師資等善意之仰妙光若高宗之得傳說再三固辭無可與  
讓以開皇十一年歲次辛亥月旅黃鍾二十三日辛丑於揚州大聽寺設

無礙大齋。夤受菩薩戒法。降作伯之尊。由宗師之典。釋龍衮而披忍服。去  
拒珪而傳戒香。圓發初心。諸佛致禮。於時天地交泰。日月載華。庭轉和風。  
空浮休氣。林明七覺之華。池皦八淨之水。化覃內外。事等阿輸之城。教轉  
法輪。理符寶冥之窟。文武寮寀。俱廕慈雲。欣欣焉濟濟焉肅肅焉。靡靡焉  
經所謂攝律儀戒。攝善法戒。攝衆生戒。顯發三願。真正十受。如一切色。悉  
入空界者。其斯之謂歟。法事云畢。士珍備捨。出居于城外禪衆之精林。四  
事供養。睿情猶疑未滿。以爲師氏禮極。必有嘉名。如伊尹之曰阿衡。呂望  
之稱尚父。檢地持經。智者師目。謹依金口。虔表玉裕。便克良辰。躬出頂禮。  
雖有熊之登具。茨漢文之適河。上方之蔑如也。智者以內行外獎。諸佛之  
深訓。實惠方便。大士之兼通。帝適檀那。既包信解。仁王攝受。遠能博益。遂  
巡告退。言歸舊山。殷勤請留。重違高意。猶四皓之餌木南山。二踈之散金  
東海。振錫離塵。始稱出世。瞻言儒者未足爲榮。竊以四明天台。剡東北王  
岫。兩謠雲岫。鄞南之金庭。峻極于天。仰捫白日。盤鎮于地。俯鏡滄海。雲霞  
沆瀣。霏拂輕襟。虹霓鴛鸞。勝承飛舄。華果競發。常迷四時。藥草森羅。孰分  
億品。道猷往而證果。興公賦不能申。寺基本屬始豐。峯名佛隴。瓦有定光  
禪師。隱顯變現。光居此峯。常謂弟子云。不久當有勝善知識。將領徒衆。俱



集此山俄而智者越江渡湖。翻然來萃。忽聞鍾聲。聲振山谷。即問光師。聲之所以。荅云。此是捷槌。集僧得往之相。頗憶曾經。舉手相引。時不智者即悟。年至十五。稽顙禮佛。恍焉如夢。見極高山。臨大海。曲有僧如。今光師舉手接上云。汝當居此處。汝當終此焉。拜言悲喜。滂沱涕泗。仍於佛隴之南。尋行寺域。便見五峯圍遶。等耆閣之山。兩溪夾瀉。若晉雲之澗。披擦開途。葺用茆茨。功德叢林。常熏瞻蔔。忍辱牆院。無勞關槌。猿嘯絃吟。泉籟響雜。飛走聽法。馴伏軒墀。西南有永豐江。派與浙源分嶺東。會于海潮波。往還數百里間。村人常以漁捕為業。陶漸迥向。焚畝廢梁。墾田種果。翻成富實。深信解者。多作沙門。慈化所覃。皆此連類。及光師無常已後。欲大修立。忽覩一僧如光師年素語。智者云。若欲造寺。今未是時。三國成壹。有大勢力人。能為起寺。寺若成國。即清。當呼為國清寺。此言杳漫。孰當信者。豈期符應冥契在茲。逮于我君臨邊歲久。孝性淳至。入京省謁。旋邁江都。登命舟楫。迎來鎮所。使乎至彼。便事裝束。謂大眾曰。在上意重佛。敢致辭然。往而不反。因此長別。語弟子云。當成就隴南下寺。其堂殿基趾。一依我圖。侍者荅云。若無師在。豈能成辯。重謂之曰。當有皇太子。為我建造。汝等見之。吾不見也。行百餘里。到剡東之石城寺。寺有百尺金績石像。梁大宰南平元

襄王鑄劍。自有靈迹。因此現疾。右脇而卧。忽然風雲變色。松桂森聳。宛如天樂來入房戶。起坐合掌。神色熙怡。顧侍者云。觀音來迎。不久應去。弟子智朗請曰。佛許聖賢。臨終說位行得。乞垂曉示。方思景慕。答云。我只是五品弟子位耳。案五品即是法華三昧。前方便之位。宛與思師。昔語冥一。仍命筆作偈。口授遺書。辭理切詣。深陳勝緣。潛來密往。誓當影護。為撰淨名義疏一部。俱時送來。仍索僧伽梨大衣。手自披著。廻身西向。端坐遷神。春秋六十。旬日建齋。加趺流汗。珠團髮際。露泫膏間。欲示諸法。本自不在。今則無滅繩牀。與還佛隴。輕舉有若浮空。爾時開香龕。都不異昔。驛使初計。震慟于宸心。爰捨淨財。隨由功德。郵傳相望。剋起塔廟。寺雖本地。其舊維新。瓊宇紺堂。憑國靈而模切利。鷲頭狼跡。因寂默而為道場。班倭鉤龕。競逞名匠。庶民子來成之不日。神明扶持。歛同踊現。背高就下。白與岳而基殿。堂仰眩俯。臨信玲瓏。而勝畫績。多寶分座。俱受瓔珞。天冠表刹。如連梵幢。金函玉牒。常敷講肆。禪誦律儀。無違師法。斯可謂頭陀之極地。彌陀之淨方。與阿耨而常盈。同須彌之永固。暨乎重光。纂曆天成。地平。以今大業元年九月。鑿輿幸巡淮海。眈眈江南。惆悵台嶽。集揚州名僧。咸問之曰。智者立寺。權因山名。且各述所懷。朕當詳擇。累日未奏。會事僧智瑛銜狀。而

來具條昔年光師國清之稱。太史案此語時代乃周建德之初。八表未同。三方鼎峙。今四十餘年。聖證縣符明時。徵應詔付著作書之。左史仍敕。皆籀篆題寺門。即遣舍人。送璪并施基業。赴十一月二十四日。先師忌齋。使乎集僧。晚開石室。唯見空林。虛帳蘚苔。蛛網法侶。號咷等初滅度。公私扼擊。若無朋體。又法會千僧。各有簿籍。造齋點定。忽盈一人。有司再巡。還滿千數。及臨齋受嚫。復成千一。執事驚愕。出沒難辨。豈非先師化身來受國供。王臣反命。具奏一條。當辰辟容深洞。靈跡百司。拜賀四海。馳聲至矣哉。象法未淪。佛種常續。廻聖幾感。大師應變。妙力難思。神圖方永。祥基瑞國。雜沓葳蕤。煥乎斯之盛者也。皆金龍尊王鑽佛功德。寶積長者獻蓋稱揚。范武子聲由在民。臧文仲言垂不括。矧乎道樹勝由。師門福地。而建崇雲。碣表際金剛。俾命絲淪。織載辭理。若夫記言記事。史官之成。則散華貫華。法藏之鴻。廣敵重述。宣廻作頌。曰。龍圖畫卦。裁萌五典。金輪極溺。止弘十善。豈若我皇。樹功宏緬。還源本淨。歸途今顯。鏡鑑先詰。筌蹄何淺。天造草昧。日月斯昇。高山巨海。或影或澄。虎嘯風起。龍躍雲興。至人幾漸。養正導承。謙尊本俗。師範推膺。隻誰允矣。具瞻克勝。熏禪觀寂。如冬靖凝。精義泉涌。如春泮水。我有匠石。止直從繩。我有津濟。舟楫斯憑。虔臨拳拳。悅受

競競能資萬行。混成一乘。六又震動。十方歎稱。同聲相應。信而有徵。至誠感神。道合符契。淵乎智者。波瀾靡際。帝師既沃。天台還憩。于山之阿。于川之滢。滄溟浩漭。峯崖迢遞。日俗扶桑。月穿叢桂。上踵夔采。傍通禹計。素湍風激。赤城霞曳。仁智肥遯。山林虧蔽。無言不酬。既符聲響。無德不報。有均景象。初卜菴蘿。歸誠戀仰。顯允光師。久要長往。非曠若昧。境形如曩。寺號國清。靈扉潛敞。孰意我師。遽緣安養。龍樓夙記。鶴關無爽。宸居在昔。哀構祇園。令終如始。師嚴道尊。揆日方晝。覘星正昏。置紱崇趾。剏屢成垣。巖分蓮萼。泉苾桃源。仙窻夏冷。禪室冬溫。玉階馴豹。金刹接鵷。風和寶鐸。空轉珠幡。百穀時秀。萬果林繁。靈芝神悅。甘露天罇。玉趾按地。淨域驚魂。金布貿苑。天宮儼存。創造之福。胡可勝原。輪煥洞徹。莊嚴脩設。波斯融冶。優填剞劂。金容月滿。玉毫霜潔。象譯翻度。龍宮披閱。法伺訖然。端心障滅。泰階既平。王道既清。殊途同致。無慮何營。皇思睿贖。邃達忘情。有本空淨。空常有并。壇戒度重。定慧貞精。乾臨朗鑒。遠供憑誠。大眾香灑。拜闕龕攝。全身座間。嚴扃網縈。迦葉佛隴。賢劫齊聲。飯僧數溢。瑞我隆平。身田雨潤。心樹華榮。現在同植。將來共成。有如懸鏡。反照今生。有如圭吳。曾不虧盈。神力自在。遊戲香城。菩提具足。赫赫明明。王泉寺碑。當陽縣令皇甫毗撰。

6.  
蓋聞乾元資始。三辰著象于天。坤道資生。萬物動形于地。皇王於是建國。聖賢所以垂文。起名教而莫同。制威儀而有別。至如畫卦觀文。蓋取隨時之象。綜經織緯。會通為政之辭。大禮同和。大樂同節。安上治民。移風易俗。斯乃生前之事。略矣。可言死後門知。仲尼佛語。縱使絳雪縈空。玄霜拂樹。餌金丹而九轉。吞玉髓而千年。乘雲也。駕九色之玄龍。游漢馬控三山之素鵠。逍遙瑤臺之上。容與琳闕之間。未窺解脫之門。終趣蓋纏之境。唯正覺淵冲。貞如妙有。不生不滅。無相無言。隨緣應質。則假色成形。隨類觀音。則因聲示說。故有白銀千尺之體。紫金丈六之身。八部般若之文。四種悉檀之義。神通自在。慧力無窮。因導化行。開示悟入。歸依者盡發菩提。迴向焉。普登常樂。是以彌猴建塔。遂生切利之天。野鴈啣花。復往彌陀之國。豈直日藏沙門。孤游正道。月光童子。獨見如來。四生因茲度脫。六道藉此昭蘇。實火宅之高車。昏河之大筏。若乃周室昭王之世。影奪桓星。漢朝明帝之時光。夢如日。使旋西寓。化漸東都。置像南宮。中心北面。自摩驕入洛。羅什游秦。明教更弘。道風斯熾。經臺像閣。寶塔香山。巖溢巖阿。綺盈都邑。豈期後魏貞君之歲。後周建德之年。靈廟一除。伽藍再滅。形容廢毀。文字散遺。響落瓊鐘。聲况寶鐸。脩禪耆舊。卷其舌而不談。護戒先賢。改其形而晦。

影世絕調心之路。時虧汲引之途。無出世之津梁。失生民之大望。我大隋  
皇帝。乘乾御宇。握鏡披圖。爰蒼生。君臨赤縣。天地同其大德。日月合其  
重光。鼓之以雷霆。潤之以風雨。除暴亂。致太平。張四維。朝萬國。功成作樂。  
治定制禮。正道無為。區寰有截。闢泥洹之路。開般若之門。宣十二分之經。  
流四千年之法。精勤耆舊。又捨俗歸僧。淨住。初童持心。秉戒。非直法輪再  
轉。法鼓還鳴。四海於是無虞。兆民同而有賴。委羽乘毛之國。慕風化以來  
庭。靈禽嘉貺之祥。應圖書而萃苑。巍巍也。非境智之思量。蕩蕩乎。豈言談  
而能盡。玉泉寺者。基此山焉。智顛禪師之卜居也。敕旨正名著額。其山嵬  
嵬。峩峩。崎嶇。崩嶷。峯疑偃蓋。巒似覆船。巨力窮竒之象。洪崖譎詭之形。崗  
曲抱而成垣。水縈迴而結乳。青楓動葉。遠照金霞。翠柳搖枝。低臨玉沼。猿  
吟白雲之上。鸞啼碧樹之間。日月為之蔽虧。霄液由之散聚。前瞻江路。卻  
望荆岑。左帶照丘。右通巴峽。禪師本姓陳氏。潁川人也。少稟生知。童真荆  
落。從師南嶽。蘊道天台。睿智洪才之響。非直播於江南。知機妙辯之聲。固  
亦聞於河朔。皇帝外子太尉公晉王。性稟孝慈。情包隱惻。能臣能子。匡國  
匡家。蘊機神之智。垂汎愛之心。布君子之風。偃生民之草。往以偽陳。納叛  
受律。行師策妙。指縱威稜。江海遂剋。定金稜。化平銅柱。三吳霧卷。百越塵

7.  
清。師乃因王利涉。王遂因師受戒。師至此而投陀。王奏聞而起寺。於是異域才情之客。慕其道而雲臻。他鄉鍊行之僧。味其風而雨集。師乃精言導理。盡意談玄。語證禪支。心開定本。幽宗博義。若挹海而無窮。辯句清辭。似懸河而自瀉。居朋之友。雖盈量而爭歸。處少之徒。從窮崖而莫反。爾乃信心檀越。積善通人。咸施一瓦。憑茲衆力。事神功。營之不日而成。飾矣經時而就。層臺迴閣。復殿連房。寒暑異形。陰陽殊制。雕簷繡拱。與危岫而爭高。鑿礎鐫基。共磐巖而等固。風光出其戶牖。雲霧生其棟梁。華炫耀於金盤。氣芬芳於玉樹。工圖相好。湛若金山。匠寫真容。凝如滿月。殿起三層之柱。懸於自響之鍾。堂開千葉之華。蓮捧飛來之座。燈光不滅。灌海踰明。刹柱俱低。承幡自舉。吉祥柔滑之草。爛熳依庭。逆風和氣之香。氤氳滿院。斜通洞穴。直注凝泉。色似瑠璃。味甘露。波投鼎浪。瀉階堂。飲腹消痾。澆軀愈疾。名柱銅樑之狀。影入蓮池。桃源菊浦之華。香浮栳苑。可謂山類耆閭。寺同雜越。似龍宮而出現。疑鹿野以飛來。竊以前王鑿鼎。唯論體國之功。今共刊碑。永記菩提之道。余任宰屬城。寺居山。部文雖寫。意書不盡。言其詞曰。二儀開廓。四氣氛氳。方以類聚。物以群分。通賢通聖。明后明君。隨機設教。觀化垂文。樂章既造。禮儀方制。定被親踈。決茲疑滯。披

圖辯物。屬辭明例。唯化一座。不論三世。玄都玉簡。紫闕銀經。解尸遺骨。飲  
液吞精。乘龍萬紀。控鵠千齡。終非實相。猶是塵情。唯有大雄。湛然長往。不  
生不滅。無來無去。十門妙旨。一音演諭。度脫衆生。涅槃雙樹。夢通劉后。感  
應姬王。恒心掩耀。滿月澄光。寫形東國。指聖西方。慈悲願海。善逝津梁。法  
顯還晉。摩騰入洛。花散經臺。香流像閣。釋教鬱起。桑門盛作。露法珠幡。風  
吟寶鐸。真君建德。運鍾滅道。淪沒四生。毀除三寶。我皇啓聖。德侔蒼昊。妙  
法更弘。貞儀再造。陳氏借號。王赫斯征。勾吳霧卷。閩越廓清。因逢智者。延  
謁山庭。珠生浮漢。玉出深荆。華峯崒屹。石洞淵懸。芬芳菊浦。滴瀝瓊泉。盤過  
似谷。覆嶺疑船。來儀宴坐。觸地蕭然。妙辨悉檀。深窮般若。緬素雲會。挹其  
河瀉。或施之林。或投之瓦。經始不日。翻成大厦。更起龍宮。還開鹿野。山連  
紫蓋。江抱黃牛。西臨月峽。旃檀圍繞。琳碧環周。水殿山樓。東按照丘。春牕  
夏牖。座吐芙蓉。龕懸石鏡。白毫相好。紺髮輝映。銀鸞徘徊。錦鱗游泳。膝猴  
心靜。怖鶴影定。猗歟哲王。命也蕃屏。自天生德。孝誠俱秉。且爽非儔。問平  
詎並。出總連轡。入調鍾鼎。構此伽藍。實資力請。魔殿囓噬。須彌鬱律。倏覩  
劫終。俄看燒訖。豈如彼岸。生死皆出。金石不朽。天地可畢。鐫勒巖阿。永垂  
懋實。後梁主蕭琮書。遠欽高風。未獲展侍。撫然西顧。以日易年。承遊



止王泉創構坊宇。名僧雲會。問道遠集。山林佳勝。有助禪悅。即事倏然。風  
 雲永歎。涼暑珍嗇。續附承修。神足今還。敢申訊謁。信驛有會。方願祇承。肅  
 琮和南前陳嶺軍蔡徵書。自江東披破弟子前預送京。不獲虔禮。于茲  
 五載。丹誠懇結。豈筆札所宣。山川永遠。無因諮述。還師奉命。爰到闕廷。天  
 子降情。君主殊遇。新故崇待。南北傾心。可謂使乎使乎。仲尼是以興歎。仰  
 陳勝託有慰延。欽天高氣清。願道體康愈。棲真千仞。寂慮四禪。梁穗煙雲  
 餐悅。法喜固非世俗之徒。所能稱讚。徵年哀事迫。可以意求。弟姪兒孫。隨  
 時過日。撫塵擊壤。用畢餘齡。既達於窮通之數。亦不常以賤貧自耻。但覲  
 奉脩然。實增馳歎。伏願珍重。繼復下承。脫值行人。賜訪存沒。開皇十三年  
 九月十七日。前陳侍中安右將軍中書令領軍將軍南雍州大中正新豐  
 縣開國侯弟子濟陽蔡徵稽首和南。長安曇暹禪師書。開皇十三年  
 九月十三日。京師興國寺曇暹和南。天台山禪師足下。仰惟聲高道邁。疑  
 和上之來儀。德遠智深。想彌天之再託。言思頂禮。申接足於丹誠。佇望東  
 山。戀光儀之若渴。時來寒重。願善起居。衆生難調。化弘勞念。仰承遠遊荆  
 鎮。利物弘多。棲思青溪。足暢懷抱。冀德光廻被。用展翹誠。化導周行。蒙沾  
 勝益。願珍道德。續結祇承。謹和南。率奉醍醐。願領微意。導因寺惠。岳等

致書。竊以妙理冲玄。隔言象之外。應機濟物。寄真俗之談。自鵠樹潛儀。金棺晦迹。微言託於傳授。密教假於弘通。故有五種法師。四依開士。邇後連踪繼跡。數百年中。雖復慧炬潛輝。而法流恒瀉。加以專思碩學。並願盡性窮源。然性不可窮。源何易盡。庶羊之文。既感。兔馬之說。猶疑。若不假以大心。終歸永蔽。仰惟禪師。盛德清高。跨衆流之表。奇才內密。越詞人之上。雖不衣錦還鄉。且見懷珠反本。屬以天清地肅。王道康夷。四衆傾心。民庶忻仰。各願諮受。咸思采聽。幸以慧雲之潤。忘密怯於未聞。師子之音。廣宣揚於渴仰。暫移狼迹之步。權啓滅定之門。俯就群心。哀憐祈請。書云。朝聞夕殞。法說一句。染神必不累月。經年繁勞。視聽庶曾聞一實者。決了衣珠未發。菩提心。並知迴向。賢愚喜躍。凡聖歡愉。豈不弘法棟梁。含生舟渚。不任引領。謹遣十住寺臻法師。歸依座下。普迷衆心。鵠望泉涌之資。側遲洪鍾之響。輒以塵聞。咸懷喜躍。荊州道俗。請講法華疏。九十五。導因寺。東巖菩薩戒。弟子陳子秀等。稽首和南。竊以法門不二。理絕言忘。應病隨機。假名相說。雖復常君寂滅。而廣示威儀。不起道場。躬昇自在。義談廣狹。迹現淺深。普是有識津梁。含生舟渚。論其汲引。莫不方便為先。語其提携。無非譬諭為本。宅中童孺。識三車而競出。傭賃窮子。知糞穢之可除。仰惟禪

師居不測之位。懷普洽之心。道貫三空。智階百法。輒欲奉屈。宣揚法華一部。展禽邵伯術小功微。尚復布政崇陰。宣風柳下。况復親承三點。高脩六度。必願俯就傾誠。留心鑽仰。漢皇白水。昌大風。桑井可嘉。無容默已。庶今貴賤上下咸識一乘。大葉小枝等蒙慈潤。幸使高源鑿井。速見洪泉。醉卧懣迷。還知昔寶。輒述衆情。罔知陳具。謹請開皇十三載八月十日。將山棲霞寺請疏。棲霞寺衆保恭等和南。竊以瞻慕明德。灰管屢遷。展覲以來。炎涼甫隔。伏飡至法。用稟教門。定水澹而無崖。詢峯高而不極。至如止觀方等之義。龍樹馬鳴之文。莫不殫其理。屈究其冲妙。恭雖不敏。少遊講席。窺翫南北經論。法師三十餘年。求其奧旨。不悟觀諸法海。寄在餘生。所冀傾蠶。猶欣飽腹。然道安之遇澄之人。便稱北面。惠永之逢遠上首。即創東林。是知得奉勝人。須安勝地者也。恭雖疎薄。竊欽往彥。但所居棲霞寺。宋代明徵君宅僧紹之所建立也。鑄山現像。疏巖敞殿。似若飛來。無慙踊出。若其林泉爽麗。房宇縈紆。桂嶺春芳。雲窻畫歇。自昔高行。是用遊寫。故寺衆齊誠。請延威德。惟願傍觀曩哲。爰降彼居。依經受用。必垂納處。所有園田基業。其在別條。謹共開府士柳顧言證成斯誓。庶金剛之域。與鷲嶺而長。存法寶斯傳。等雞山而不滅。謹疏。開皇十五年八月六日保恭

等疏。秘書監柳顧言書。弟子柳正善具成就稽首和南。暄和不審尊體起居何如。伏願禪法喜悅。去歲經蒙一旨。至今保持。奉賫十卷玄義。往仁壽宮服讀八遍。竊疑略盡。細開難除。新治六卷。并入文八軸。為莊深未竟。少日鑽研。大王今遣使人蕭通國。叅承書意。自當仰簡。頻被顧問。奉荅必來。伏願夏竟。便待舟楫。冀此殘生。盡心聽受。懺悔往日。懈惰昏沉。啓吉藏法師書。吉藏啓。景上至奉旨。伏慰下情。薄執不審尊體何如。伏願信後寢膳。勝常誨授。無乃上損。吉藏粗蒙隨衆拜覲。未即伏增戀結。願珍重。今遣智照還啓。不宣。謹啓。吉藏啓。景上至奉師慈旨。不勝踊躍。久願伏膺甘露。頂戴法橋。吉藏自顧庸訥。不堪指受。但佛日將沉。群生眼滅。若非大師弘紉。何以剋興。伏願廣布慈雲。啓發朦滯。吉藏謹當竭愚。奉稟誨誘。窮此形命。遠至來劫。伏願大師密垂加授。夏亦竟。即馳謹。今行遣智照諮問。謹啓。吉藏啓。景上未至數日之間。便爾感夢。又景上至已後。仍復得夢。一二智照口述。景上尋皈。亦因委諮。謹啓。吉藏法師請講法華經疏。吳州會稽縣嘉祥寺。吉藏稽首和南。伏聞山號罪鬼。道安登而說法。峯名匡岫。慧遠棲以安禪。未若慈嶺宏麗。接漢連霞。瀆壑飛流。衝天灌日。赤城丹水。仙宅隩區。佛隴香爐。聖果福地。復經擅美。孫賦稱奇。智者棲憑。二十

餘載。禪慧門徒化流遐邇。昔同壽英彥。纔解通經。法淨俊神。正得禪業。若  
 非道。恭窮學德。伴補處。豈能經論洞明。定慧兼照。至如周旦沒後。孔丘命  
 世焉。鳴化終。龍樹繼。後如內外不墜。信在人弘。光顯大乘。開發秘教。十年  
 之興。五百實復在於今日。南嶽。廬。聖。天台。明哲。昔三業住持。今二尊紹係。  
 豈止灑甘露於震旦。亦當振法鼓於天竺。生知妙悟。魏晉以來。典籍風謠。  
 實無連類。釋迦教主。童英發疑。盧舍法王。善財訪道。敢緣前迹。蹄想崇誠。  
 謹共禪衆一百餘僧。奉請智者大師。演暢法華一部。此典衆聖之喉襟。  
 諸經之關鍵。伏願開佛知見。耀此重昏。示真實道。朗茲玄夜。庶以三千國  
 土。來稟未聞。百劫後生。奉遵大義。築場戒節。析木將臨。搖落山莊。玄黃均  
 野。桂巖玉藥。菊岸華榮。彌切聲聞之心。頗傷緣覺之抱。吉藏。仰謝前達。俯  
 愧詢求。兢懼唯深。但增戰悚。謹請開皇十七年八月二十一日。智者遺  
 書。與臨海鎮將解拔國述放生池。貧道少懷靜志。願屏囂塵。微悟苦空。  
 得從閑曠。是以去西陝之舊里。將領門徒。遊憩天台。十有二載。但此山溪  
 接江源連巨海際。魚捕滬業交橫。基水熬戮既多。煮炙無非。直天傷物命。  
 有足悲者。亦是公私去來頻連。沒溺。以此死亡。不可稱數。貧道不惟虛薄。  
 願言拯濟。仍率勵山僧。貨衣資什物。就土民孔玄達等。買茲故業。永作放

生之池。變此魚梁。翻成法流之水。故臨海內史計尚兒。敬法心重。仍請講說。金光明經。至流水品。擅越羊公賀等。開斯妙句。咸舍滄業。凡五十五所。遂使水陸沾濡。人蟲荷澤。蓋聞雨花滿室。蒼長者之恩。明珠照夜。報隨侯之德。斯固植妙行於前脩。播芳風於末代。福不唐損。善無虛失。仍以此事表白前陳。敕云。此江若無烏賊珍味。且依所請。永為福池。國子祭酒徐孝克。宿植德本。才地無美。聞斯集善。請樹高碑。冀此洪基。與嶽同固。願茲勝業。將日月俱全。昔陳氏江東地。不過數千里。猶若此慕善忘懷。仰惟皇帝陛下。秉金輪而御八表。握寶鏡以臨四民。風雨順時。馬牛內向。信以道高。堯舜德邁。軒羲加復。躬行十善。等赤子於群分。自運四弘。總下生而普濟。且不覺不卯。著自外書。救蟻救魚。聞之內典。豈有富天下而恡惜一江源。思洽宇內。而獨隔數百里。改蓮花之地。興燒煮之業。使軍民恣其傷殺。水族嬰其酸楚。身首分離。骨肉糜潰。以貧道意度皇帝之心。豈其然乎。豈其然乎。但晉王殿下。道貫今古。允文允武。二南未足比其功。多材多藝。兩獻無以齊其德。茂績振於山西。英聲馳於江左。管淮海之地。化吳會之民。不以貧道不肖。曲垂禮接。躬非世範。謬荷人師。具述事源。爰降符命。在所恭承。莫敢違越。假令別有嚴使的奉敕符。毀所樹之碑。復民滄業者。貧道



但君臨稍畢。旋反非賒。唯希善始令終。以全嘉譽。攀轅卧轍。無媿昔賢。貧道反覆九思。徘徊三省。北方人士壽長有福。豈非慈心少害。感此妙齡。東海民庶多反。殤漁獵所以短命。貧窶乃是世間現見。可為鑒誠者也。今若斷三歸之命。養五陰之身。斯則廢淨土之花業。起無邊之重過。事既反常。恐非養生之術。餘州鎮防不遑江海。既處高源。採捕無地。未聞亡身他境。帶病還鄉。豈復必湏水族以資身命。直令採捕。尚乃非宜。况有毀他放生。以給軍士。明府在鎮清嚴。遠近稱歎。一錢不納。一犢方留。噲叅養鵠。卒獲寶珠。孔愉放龜。終佩金印。檀越若不逆。晉王符旨。不乖貧道之言。則是再灑法流。奉宣帝道。有德必酬。無善不報。玉珮彫弓。不求自至。金印紫綬。應念便來。今遺弟子普明。賫舊事往簡。但明府總此邦之務。執一鎮之兵機。有教必行。如風靡草。願以貧道此書。宣示百姓。訓誨軍民。使遵九言之教。無為始禍。改十惡之心。永符元吉。事事信人口具。不復委陳。沙門智顛白。吾祖智者大禪師。實靈山再來之人也。道傳三觀。悟自一心。恢張龍猛正宗。幽贊法華祕典。判釋以五時八教。歸趣以三觀十乘。縱辨宣揚。不立文字。章安結集。留逗後緣。其如解行。證入之人。不知其幾千萬眾。諸部板刻。布在諸方。唯國清百錄。昨因魔火燔毀。直至于今。彌歷年深。所未諧



圓就。今令行者曇峯。遍求道俗。不憚苦辛。誠心不虛。遂圓部跋。庶得以廣見聞。傳諸永遠。則可以知吾祖道大名重。皇化迹始終。宛如目擊。遂盡禮至恭敬。覽始末云爾。時聖宋淳熙十二年。歲次乙巳。結制日。白蓮居山戒應。謹題國清百錄序。丹丘沙門有嚴述。夫事無鴻纖。但有補於見聞。使人驚寤而趨善道者。則不可以不錄。而貽諸後也。昔我祖智者禪師。本靈山聖衆之一人也。陳隋朝出現世間。代佛宣祕。為人天眼目。六十餘州。直指人心。具佛知見。加脩圓行。則妙果不遠。復其所談教法外。餘事委積。章知尊者撮其可錄者。凡一百條。以國清為目。天聖年中。伏蒙聖朝編入大藏。既緘以函帙。故世人罕得而見之。禪師自開皇十七年。丁巳入滅。至紹聖四年。足五百歲。明年春。四明陳宗逸始謀鏤版印行。果冠冕法俗。因得以讀之。有以知禪師釋部中豪傑之士也。雖不得而見其面。讀其文。亦得以見其心。見心愈見面也。奉命序述。以冠首云。新添智者大禪師年譜事跡。梁武帝大同四年。戊午。禪師一歲。父姓陳。間國侯。荊州華容人。母徐氏。夢香雲并吞白鼠。而孕。生時。神光滿室。目有重瞳。至七歲。喜往伽藍。僧口授普門品一遍。其餘文句未聞者。自能通達。父母不許數往。梁元帝承聖元年。十五歲。欲出家。二親不聽。乃刻檀像。禮誦一日。正拜佛時。恍

夢山臨大海僧居上招手。梁敬帝紹泰元年十八歲。二親服訖。堅辭兄出家。乃依湘州果顯寺僧法緒為師。名智顛。字德安。陳高祖永定元年二十歲。受具足戒。依慧曠律師。精通律藏。而未受具。前曾北面依學方等。陳文帝天禧元年二十三歲。光州大蘇山依思禪師。師認靈山同會示普賢道場。二七日誦法華經。寂然大寤。陳廢帝光大元年三十歲。辭師出金陵。居瓦官寺。八年講大論。說次第禪門。并法華玄義。陳宣帝太建七年三十八歲。入天台。宣帝敕留不住。初止石橋。遷佛隴。次年華頂降魔。太建九年四十歲。宣帝勅賜修禪寺。大建十三年四十四歲。講金光明經。漁人捨簷梁。立放生池。次年永陽王請講。陳少帝至德二年四十八歲。奉詔出金陵。太極殿開大論。講仁王經。次年太子受戒。至真明元年五十歲。於金陵光宅寺講法華經。章安其時方年二十七歲。始聽經文。大隋開皇九年五十二歲。陳亡之荆。感夢止匡山。次年隋帝敕問。五十四歲。晉王請至揚。十一月為晉王受戒。方號智者。五十五歲。得往荆湘。再經匡山。度夏畢。先至潭。五十六歲。至荅地。恩造玉泉寺。章安奉蒙玄義五十七歲。玉泉寺講摩訶止觀。五十八歲。自荆下金陵。受晉王請。製淨名疏。五十九歲。春再還天台。次年冬。晉王遣書虔召。六十歲。赴召。至石像前端坐入滅。開皇十

七年十一月二十四日未時善滅。自入滅。至  
大宋淳熙十二年乙巳得五百九十二歲矣。

永樂大典卷之一萬九千七百四十



永樂大典卷之一萬九千七百四十一 一屋

錄

南渡錄

靖康元年正月初六日京師立春節。先是太史局造土牛陳於迎春殿。至日太常寺備樂迎鞭而碎之。此常儀也。是

月初五日夜。守殿人間殿中哭聲甚哀。且聞擊朴之聲。移更乃止。洎明觀之。其勺芒神面有淚痕。滴漉襟袖猶濕。其牛首墮於地。有刀斧痕。更白有司遂更修補以終其行事。識者知其非吉兆也。初九日邊報。金兵留屯河朔。猶豫兩持。似欲復犯京師。太上皇遂出南薰門往南京。十九日報金國大兵已分布河上。敗河淮梁師。成棄城南走。兵已渡河。二十九日兵至毛桃崗。駐軍作大寨。居民奔入京師。老幼死者躡跡於道間。有強壯劫掠外城。大火焚燒二十餘家。二月初二日金人圍京城。攻諸門甚急。十二日以聶昌為都太守。禦提舉司。虜遣使入城請和。乞以黃河為界。二十一日京師戒嚴。金人兵退。封立寺。需索金銀牛酒。犒師。依契丹倍增歲幣。朝廷許之。三月初金人退兵北去。至壤州。國相有文字至軍前。乃粘罕之文也。其

畧曰。今南宋已求和好。許增歲幣。仍有割河之請。未有定議。今大軍已駐河址。諸郡以定可否。彼若不從。則吾已持其物而求其遺。此計之上上也。於是金軍雖明言北渡。其實只在河南未嘗解也。初九日金國粘罕加封征討大元帥。仍令從便行事。且降書曰。今南伐之兵已渝河濟洛。直犯汴京邑。雖湯武之威。不復有過。可甘辭誘和以俘其主。此聞彼上皇南幸。可候北入京口。併兵攻陷。俘虜以歸。係頸以帛。朝之宗廟。我之願也。昔我之攻契丹。童貫持貳以俟。既我今既得勢。安可不順天命以殲滅。而興萬世之業。昔楚子國也。尚能興滅陳蔡。我師威行電掃。前破契丹。如摧朽掠腐。乘勢不取。必貽後悔。彼上皇之南幸也。蓋欲料兵江淮以興勤王之師。俟其復京。併力困之。此萬世一時也。若欲和議以河為界。實所未當。天輔九年十二月二十一日。下元帥府施行。十五日粘罕遣人入城上書。請歲幣。金繪及車輅鹵簿儀式。及請移文河北諸郡。日下羅兵交割。二十一日金人收河南北岸兵馬北去。五日少帝上書。請上皇歸京。八月粘罕大軍屯駐薊郡。且遣使至賀上皇歸京。其實探伺也。九月十一日粘罕又遣使入京求和。仍需金繪以緩我師。朝廷大臣皆無謀智。幸喜姑息。於是上下苟安。不復有邊虞之策矣。十一月十七日河北報金人粘罕下令。大兵南行。

已及河界。十九日復圍京師。二十五日京師陷。金兵入城。二十六日粘罕遣使入城。求兩宮幸虜營面議和。及割地事。十二月五日遣兵入城。搬挈書籍。并國子監三省六部司式官制。天下戶口圖。人民財物。及宗正牒譜。初九日又遣人搬運法物。車輅。鹵簿。太常樂器。及鍾鼓刻漏。應是朝廷儀制。取之無有少遺。十九日京師雪深數尺。米斗三千。貧民飢餓。布滿街巷。死者盈路。金人又肆兵剽掠。攘奪富家。有一將在天津橋下。蓋天漢也。劄坐甲士百有餘人。民不敢過此。壯者為之剝脫而殺之。婦女美麗者留之。往往城中閉戶不復出入。時有柔福帝姬侍從三十餘人。將欲入內。其賊使人叱止之。呼令出轎。帝姬泣曰。我貴家子。天子為我兄。安可出見。金兵促左右急行。兵怒使人拽止之。又令人拖出使前徒行。金人笑曰。美婦人也。問曰。汝有夫乎。帝姬泣不能對。良久曰。今兩國已和。汝安可如此無禮。其人曰。我兄為北國大臣。富貴無比。若能為其妻。不異汝南朝富貴也。語終。使之徒行。復顧謂帝姬曰。小臣有香纓一枚。可以代兄為定物。遂於懷中取真珠香囊一枚。手持以獻。帝姬不肯受。金兵執姬手令受之。金人乃笑而退。其後皇族北去。帝姬竟為金將兄所得。蓋粘罕之次弟也。粘罕兄弟三人。畏粘罕。為金國元帥。次澤利。金國北部大酋長。昔滅契丹。首擒天

祚者。而其人也。又野利。為大將圍京城。先登陷京邑。領兵駐天津橋是也。二十一日金人遣使入城。且言國主有令。於京師中選擇十八以下女子一千五百人充後宮祇應。於逐坊巷二十四廂集民女子選擇出城。父母號呼。聲動天地。其子往往為金人淫污。留而不出城。亦不歸家。靖康二年正月一日金人遣人入城朝賀。頗不為禮。初九日北主下令粘罕曰。比聞已破汴邑。所獻物色不甚為急。可速擇異姓立以為主。以慰民望。况我素居北國。南地非我所便。南宋二主可令來朝。事貴速行。十一日粘罕遣人入城請車駕軍前議事。十三日金人軍前降指揮言。北國有旨。令契丹國海濱侯耶律延禧及西夏侯李智先與南宋皇帝等并大元帥粘罕及皇弟吳乞買同上大金皇帝徽號。及命有司擇日行禮。請皇帝詣營署名進奏。十四日再遣人請車駕來日詣軍前進奏表。十五日車駕不肯出。金人遣人入城持出上金尊號表。有云輔美佐運。應道法古。至德皇帝之文。仍書云臣姪南宋皇帝。又於下請署御名。上觀之。嗚咽泣下。且曰。朕上失孝道。貽憂上皇。下失仁道。罹禍萬民。今幸兩國和好。苟屈己以存孝道。朕復何辱。金使持筆進請皇帝書名乃去。十七日金人遣使入城。稱北主有命。宣示南朝太上皇。其使命且去。少頃後見太上皇。太上皇令左右接書。使



者云北國王一勤。請皇帝自受。太上皇吁噓不得接之。書曰。北國金皇帝書。付弟南朝宋皇帝。近者北遼無道。殺伐無上。朕既殲滅。以寧人民。以開皇圖。大有華夏。比緣奸臣童貫蔡京。誣誤兩朝。以致禍亂。使勞我師。遠至汴京。今已採時弔伐。以遂和好。叔姪是緒。進幣是行。汝可應冷。保育天和。以撫萬民。以河為盟。萬載一決。吾無偽言。汝其知矣。天輔十年月日。其詞泛濫虛偽。皆甘誘不實之語。不復備錄。其使仍口傳北國主意。曰。皇帝起居。南朝皇帝。今已結好為兄弟。不請一切生疑。仍可罷兵。今將到真珠袍一領。是國主皇帝朝服。今獻上皇帝。請收領。良久。請皇帝進上謝表。太上曰。今兩國通和。且可稱書。不可稱表。使者復言曰。北國皇帝本意。廢趙氏立異姓。如天皇王故事。我元帥諸貴人勸勉。其事且止。陛下尚不從順。其大不可已也。今大兵再至汴邑。不比去年。幸陛下照察。不可以小屈而亂大謀。帝嘆息。從其請。二十一日。金人遣使入城。出榜通衢曰。元帥奉北國皇帝聖旨。今者兵馬遠來。所議事理。今已兩國通和。要得金一百二十萬兩。銀一百五十萬兩。於是金人執開封府尹何臬。分廂拘括民戶。金銀釵釧。環鈿等。星銖無餘。如有藏匿不齎出者。依軍法。動輒殺害。徃徃刑及無辜。二十三日。金人遣人入城。持北書曰。今兩國通和。所有合理事件。仰元

帥府請南朝皇帝到軍前面議可否申奏。二十九日金人遣使請車駕出城。且賫到北國書曰。今已破汴京。二主不可復居。宜於族中別立一人以爲宋國主。仍去皇帝號。但稱宋王。封太上爲天水郡王。少帝爲天水公。於東宮外築室居止。文字到日。仰元帥府請宋王到軍前共議申奏。少帝曰。國相元帥數數遣請。陛下出城同共議事。陛下不肯出。今發北國皇帝手詔。陛下之意如何。少帝曰。卿且退。容商議。使者曰。事急矣。從且福。逆則禍。陛下爲臣下所誤。以至於此。尚復取臣下之言。恐禍在不測。况北國皇帝寬慈正直。不比你南人反復無狀。頃之使者辭色俱厲。不拜而退。二月二日粘罕部左統軍郎遊麗將甲兵騎七百餘人至內門。稱有兩國利害見國王。左右入奏。少帝登門。郎遊麗厲聲曰。元帥遣我上聞國王。前日已曾遣人將到北國皇帝聖旨所議事理。如何更無一言相報。使我元帥無可奏。知北國皇帝。今特令我來見國王。其事若何。兩日不見來意。禍出不測矣。蓋昨已有盟在前。不欲倉卒。今先此上聞。伏取皇帝指揮。少帝曰。已降指揮。今月十一日出城見元帥。可報知。所有事候面見元帥說。及爾且退。郎遊麗曰。陛下十一日若不出城。元帥更不來商議。求請也。復白帝曰。我衆人馬七百餘人。欲得少犒設。每人要金一兩。望陛下給之。時左藏庫金

帛並已罄竭。乃於宮中需索得金釵環等八百兩與之。其人不謝而去。十  
 一日車駕出幸金兵營。百姓數萬人阻扼車駕。曰。陛下不可出。既出事在  
 不測。號泣不與行。帝亦泣下。范瓊按劍怒曰。皇帝本為兩國生靈屈已求  
 和。今幸虜營且去。暮即返矣。若不使車駕出城。汝等亦無生理。百姓大怒  
 爭罵。投瓦礫以擊之。瓊以劍殺死數輩。蓋攀輅之人也。車駕遂出城。至軍  
 門。軍吏止皇帝於小室。曰。元帥寢未興。可俟於此。容移時。有小黃頭奴至  
 曰。元帥請國王。時帝徒行至階下。粘罕下階執其手曰。臣遠國酋長。不知  
 中國禮義。曲折乃揖與升階。命左右坐。帝西向。粘罕南向。移時不語。左右  
 各執利刃大刀。所侍皇帝。乃祇應王副周可成二人而已。粘罕使左右以  
 所降北虜詔書別立賢君者。皇帝視之不語。粘罕使左右白帝曰。敢不從  
 命。苟利生靈。以息兵革。願何事不可。粘罕復命左右白帝曰。既如此。請國  
 王陛下既朝。幕等候北朝皇帝聖旨。乃令介人引帝歸幕。俄有人進酒食。  
 帝不復舉。移三時。問左右曰。可白元帥。令吾歸宮矣。所議事既從。他  
 無餘策。左右白帝曰。元帥造表請皇帝同發。來日早行未晚。帝默然。左右  
 又進酒食。命伶人作樂。帝吁噓不能食。時夜闌寒甚。帷幙風急。坐不能安。  
 倚案凭坐。左右勸勉。帝泣涕不言而已。俄五更有人至帝前曰。請國王同

元帥發表。介人引至帳下。旋次升階。惟有一案。設香燭。粘罕使左右以其表示帝。帝觀之。其詞曰。臣姪南宋國王趙某。今蒙叔北國皇帝聖旨。令某同父退避大位。別選宗中賢君立以為君。敢不遵從。今同元帥申發前去。其次居止。及別擇到賢族。未敢先次奏聞。候允從。日別具申請。書後復如前。請帝署名。帝從之。封緘畢。帳下馳一騎黃旗素馬前去。訖。方命左右設椅。粘罕南向。帝東向。少刻有一紫衣人自外至。粘罕與帝並興身。紫衣人望帳下馬升階坐。西向相揖。各就坐。粘罕使人白帝曰。此北國皇后弟也。傳宣至此。催促陛下議論事。帝唯唯。復令進酒。時天氣甚寒。帝連飲二盃。紫衣者曰。陛下且宜止此。晚刻面奉北國皇帝指揮事。與陛下言之。揖退。令左右引帝歸幕。帝回視。粘罕與紫衣者尚同坐。復飲。帝歸至幕。天尚未明。少憇几上。寒不成寐。左右有綠衣者語帝曰。臣河北人也。為大兵所虜。本是陛下赤子。使令監視陛下。今入虎穴。出無由矣。陛下若能屈節於紫衣之人。庶幾有少更改。不然。無路歸國矣。語訖。回顧而去。良久再來。手持羊肉一塊。進曰。陛下可少啗以禦寒。帝不能食却之。因問綠衣者曰。汝何姓名。今為金國何官。荅曰。臣姓趙。名保安。今為國相親吏。蓋臣有二妹。皆有姿色。為粘罕寵嬖。故命臣為親從。以察伺陛下行止。因問曰。早來紫衣

何名何官。荅曰。此北國皇帝之后弟也。姓野耶葛。名多波。今為十七軍都  
 統。位在粘罕之上。今暫來此。要往東京。取選擇到後宮女子一千五百人。  
 三兩日復北去也。少頃天明。有褐衣從者十餘人。列侍帝之左右。語言不  
 可辯別。俄聞報曰。統軍來相見。帝迎之。乃早上紫衣人。帝與之接坐。語不  
 可曉。帝但加禮告以周旋。少不回顏色。命左右指瓶中物。左右因以酒進。  
 紫衣者舉大盃連四五盞。帝亦舉一二盃酒。退顧左右謂帝曰。兀移大多。  
 左右解之曰。兀移大多。安心也。蓋言語兀移。安也。大多。心也。指而退去。三  
 月十三十四十五日上在幕中。粘罕使人守禦。且稱候北國皇帝回命。到  
 日可歸。十六日粘罕使人召帝至帳下。升階東坐。俄有吏持文書名案牘  
 者示粘罕。階下刀斧簇一紫衣貴人。帝視之。乃宗正士倪也。粘罕使人謂  
 士倪曰。今命汝入城。說與你南朝宰相。於見族屬中選擇一人。有名望賢  
 德者。同你及合朝大臣保明。密地申發。以準備。金國皇帝有旨到來。別立  
 賢君長。語訖。揮使退去。又擁一皂衣吏至階下。粘罕使人謂曰。汝於東京  
 城內擇一寬廣寺院。可作宮室者。欲於其中作二王宮。速置辦。言訖。指揮  
 退去。帝起白粘罕曰。所指揮事一一從命。容某入城視太。上安否。以報平  
 安。使得盡人子孝道。實元帥之賜也。粘罕首肯。促左右進酒。帳下有伶人

作樂。唱言奉粘罕為太公伊尹。粘罕不喜曰。太公伊尹。古聖人也。吾安可繼其萬一。觀其人而語。帝曰。這幾箇樂人。是大宋人。今日煦好公事。笑而止曰。來日教陛下入京城安撫上皇。廿七日間。北國皇帝詔到。再來請陛下到軍前不可相推。良久遣左右送帝歸幕次坐久。有人傳元帥命曰。來日一面歸京。不可更來帳下也。十七日早有綠衣者來謂帝曰。元帥有命。令陛下還宮。良久進食。有數人引帝出幕至軍門。遙見禁衛列於外。車駕入城。十八日至二十一日大雨雹。城中金人標掠尤甚。小民號泣。夜以繼日。金人引火焚戴樓門。二十二日粘罕遣人入城白帝曰。前日所說擇賢擇地作宮室二事。可速計置。一二日間。北國皇帝有文字到。便要。用也。帝唯唯曰。一面議論。時衆議皆推康王。及欲將南安寺為宮。以白粘罕。二十六日金人復命曰。來日文字到。遣軍。王到軍前見元帥。二十七日帝往擷芳園見太上。父子相持泣涕。及太后鄭氏同坐。帝奏太上曰。臣不孝不道。上貽君父之憂。卞罹百姓之毒。殺身不足以塞責。今北兵見迫。日以擇賢為君。臣與陛下吉凶共之。且以弟康王為主。不失祖宗社稷。幸之大也。時韋妃侍側。即側即康王之母也。言曰。二宮令許以康王繼位。而中興可待。然外鎮須假主盟。陛下可作詔書。召四方兵赴京師。金人狡計必未止於

擇賢。禍有不可勝言者。二宮必不肯留於京師。惟陛下熟計之。二十八日  
 帝與太上同早晚膳。粘罕遣人入城。餽太上酒十瓶。言北國皇帝所賜者。  
 三月初二日粘罕遣二人持書。一詣太上皇。一詣帝前。曰。今日北國皇帝  
 所有施行事件。請車駕詣軍前聽候指揮。至日中又遣人促少帝及太上  
 皇並至軍前議事。至晚遣人不絕。又云。若上皇未出城。不妨先至。皇帝至  
 軍前。初三日車駕出幸虜營。至帳下。粘罕坐而言曰。今北國皇帝不從汝  
 請。別立異姓為主。遣人持詔書。帝遂遠不復可辯。使人擁帝降自北道入  
 小門。至一室。籬落踈缺。守以兵刃。自辰至申未得食。帝泣涕而已。先是帝  
 將出幸也。便可即真來救父母。押九字於衣領。付宰相何臬。以召康王興  
 兵。以圖恢復中興。且在路中傳旨。付開封府曰。趙氏孟子可為檢討。付來。  
 其意指延壽宮孟太后也。是日帝在室中。至暮有一番奴持食一盤肉。有  
 酒一甌。於帝前曰。食之。食之。帝泣而言曰。父母不復顧矣。番奴曰。無憂。父  
 母旦夕與汝相見矣。其夜無床席可寢。但有木凳二條而已。亦無燈燭。窻  
 外數聞兵甲聲。時天氣寒凜。帝達旦不寐。天明有人呼帝出曰。太上至矣。  
 帝視之。見戎衣者數十人。引太上由傍門小道而去。帝欲前問太上。左右  
 止之。帝哭不勝。初四日至十五日。間皇族后妃諸王累累至軍中。日夜不

止。太上與帝各居一室。后妃諸王皆不得相見。惟鄭后朱后相從。其他王姬帝姬各為金虜貴人分去。京師百姓號泣七日不止。以至板阻太上及帝車駕。不使出城。復為范瓊所殺。今更不著述諸王妃事。只記二官家行也。十六日粘罕坐帳中。使人掖二帝至階下。傳北國皇帝曰。汝等父子。上負祖宗。下負民物。恣為奢侈。忘公徇愛。以至結釁外國。禍起內州。天人俱棄。不可復君。宜擇異姓以代宋。後令元帥府責開封府吏以下保明策立。仍令趙某父子前來燕京。令元帥府差人遣發前來。帝與太上聞言。相對涕泣不能言。粘罕曰。所擇康王。今在何處。帝曰。不知也。粘罕謂左右曰。急持書開封府索康王。少刻與太上共居一室。侍衛數人皆醜陋。而其言語不可辯。帝與太上自此日惟一食一飲而已。夜宿竹簟之次。時天氣風寒。侍衛人取茅及黍穰作煖火。太上與帝同坐向火至明。是日粘罕命左右以青袍易二帝所服。以常婦之服易二后之服。侍衛之人持以南家子呼帝及太上。飲食皆與彼同。窻戶兵甲甚衆。十七日粘罕使騎吏持書示太上及帝曰。元帥令遣汝趨燕京朝皇帝。已召康王至軍前。同去南朝。以張邦昌為帝。國號大楚矣。帝與太上並泣下。時鄭后因此喪亂。心腹疾作。疼不可忍。卧於木凳幾絕。朱后為其撫摩。四人相對泣下。騎吏怒曰。元帥命



已下來日發行。詐疾欲何為者。少帝告曰。母后心腹疼不可忍。君豈不見其面色。安敢以詐為。某失孝道。父母至此。倘或見憐。以杯藥或沸湯見賜。他日厚報。衛吏稍和顏色曰。此間無湯藥。或叱左右取沸湯一盃。進后。后飲之。痛稍止而泣曰。妾之不幸大矣。國破家亡。雖生何益。是夕宿於野寺中。十八日早。騎吏前曰。可行。牽馬四疋。令太上及帝二后乘之。北行。二后素不能騎。騎吏遂掖而乘之。鄭后病未已。伏鞍行十餘里。路傍有數人見之。泣曰。皇帝父子北去。我等百姓何日見太平也。因奏上飯羹二小盃。太上及帝朱后分食之。粗糲不堪食。騎吏從者約五百人。皆衣青袍。與二帝不可辨。不知阜老何由知之。阜老曰。吾以面色觀之。可見。况傳聞車駕將欲入京。故知之。帝曰。吾母心腹有疾。汝有湯藥否。阜老對曰。無。止有少鹽酥。可煎而進之。騎吏怒其滯住。促行之。騎吏掌行者千戶。自言姓幽。西名骨碌都。常以言戲朱后。復恣無禮。嘗路行之次。朱后下畦間。旋溺。骨碌從之。乃執后臂曰。能從我否。朱后因泣下。戰不能言。遂亦發疾。不能乘騎。骨碌都乃掖后同載馬上。行至晚。約行三十里。宿一寺間。闕宗一空寺也。是夜月初上。明照廊廡。骨碌都使人持茅。爇火烹食。以啖二帝於室。二后皆病不能食。骨碌都乃自手煎羊乳粥以飼之。曰。汝婆婦休惱。我保護你四

箇到燕。是夕鄭后與朱后驚悸不已。心腹作痛。骨碌都以手撫腹曰。病已病已。三祝之曰。爾強之爾強之。其無禮若此。至天明言於少帝曰。為我說與你妻善事我。我即保汝為相報也。十九日至東明鎮。骨碌都早食。與帝及太上二后並食於村店。時鄉村荒殘。無復人煙。百里有屋一二所。而后疾愈。而少帝涕泣日夕不止。不能食。骨碌都怒曰。汝在汴京三千餘口皆流徙于北矣。其女子美貌者為人所取。何獨眷一朱皇后。不以結識諸曹。以作前程之託。吾素非胡人。乃大朝耳。亦以妹奉元帥。故得身至大將。富貴無比。今幽西骨碌都是元帥改之耳。吾本姓王。河州人也。汝父子為官家。嘗連花石綱役使天下人。苦害不堪言。今至此天報再。尚何怨耶。少帝於是不敢復言。但日吁噓而已。二十一日至封丘鎮。早食山坡之下。馬齧草而相躡。而飲食皆坐地上。復無倚棹。時雨霽泥滑路淖不可行。帝與太上及后皆在泥中伏躡。飲食粗糲。形容黧黑。目睛並昏。傍有其水。太上誤墮其中。衣服沾濕。骨碌都極而出之。驚失躡傷鄭后之足。朱后手絞太上衣去其水。而上馬以行。是夕宿館驛中。二十一日至二十九日行次黃河岸。欲渡。渡船有舟自北來。上立皂幟。中有紫衣人大呼骨碌都曰。北國皇帝約四月半至燕京。今已三月盡。可速行之。語次。骨碌都數以目視朱后。

且哂之。紫衣人知其情狀。拔刀執骨碌都。汝本一冗賤。吾兄待汝以至於此。今安得與婦人私。私而稽緩其行程。乃殺之。投屍於河。顧謂帝曰。為我說。此婦人為何人也。帝曰。其妻朱氏。其骨碌都數有無理侵犯。苦無告處。將軍今殺之。無乃雪我之耻乎。紫衣曰。汝識我乎。我乃元帥弟澤利也。帝拜謝。后亦拜之。至暮乃抵北岸。及衛州垣邑縣之西安鎮。駐軍宿焉。是時澤利所領兵甲千餘人。并舊騎吏兵共二千人。劄寨。夜月明。澤利所帶婦女四人。遂置酒命二后同席共飲。二后聞之。不勝其辱。不能即席。澤利曰。汝病不能飲。可持此二盃飲汝二玉。其恩當俟他日報我。乃遣二后持酒入房以飲。帝及太上。二十二日入衛州城。百姓皆以為金人。不知中有二帝。二后。時有買賣者入館舍或寺中。與金人皆易飲食。及二帝為金人所閑居一小室。侍以甲兵甚嚴密。日中始得豆餅四枚。四人共食。時百姓或有知其事者。自窻隙中令人饋以飲食。間或又為守戶者所奪。在彼留半日。是夜復出城外二十餘里。宿於安國鎮之北明王寺。少帝以飲食不節。驚惶漸生泄瀉之疾。日走數十里。又為監者所詬。惶懼不敢復言。二十三日至二十五日。至懷州入城。澤利往往持酒無禮。二后或時窘罵二帝。城中有富家數十戶。澤利時遣人剽劫酒食財帛子女以自娛。又常鞭撻下

人。是夕帝渴甚。告監者以水食。偶澤利過前見之。遂手殺其人於帝前。帝大驚。滋甚。顧謂帝曰。可安穩到北京。莫得生事。若還不是郎主要活底。你死已多時。自是帝見澤利必驚惶。移時而後定。二十四日至信安縣。帝及太上下皇后自離京未嘗滌面。至是見野水清澄。四人方掬水洗面。濯滌。相視哽咽不勝情。傍有人獻牛酒於澤利者。澤利拔刀切肉啖食。飲酒連五七盃。以其餘酒殘食餉帝。帝曰。食之前途無與喫也。復視朱后笑曰。這一塊最好。你自喫之。方飲酒次。或有人言知縣來相見。乃見一金人衣褐淨絲袍。皂靴。裹小巾。執鞭揖澤利。又分酒食羊肉同坐。飲食移刻。澤利乘醉命朱后勸酒唱歌。朱后以不能對。澤利怒曰。汝四人性命在我掌握中。安得如是不敬我。以所執鞭欲行擊之。后不勝泣涕。乃持盃作歌曰。幼富貴。芳厭綺羅裳。長入宮。芳奉尊陽。今委頓。芳流落異鄉。嗟造化。芳速死。為強。歌畢。兩手持盃向澤利曰。元帥上酒。澤利笑曰。歌中詞句最好。可更唱一歌勸知縣酒。后再歌曰。昔居天上。芳珠宮天闕。今日草莽。芳事何可說。屈身辱志。芳恨何可雪。誓速歸泉下。芳此愁可絕。乃舉盃向知縣飲之。澤利起拽后衣曰。坐此同飲。后怒欲手格之。力不及。為澤利所擊。手及。賴知縣勸止之曰。可更唱歌勸將軍酒。復舉盃付后手中曰。勸將軍酒。后曰。委

不能矣。須將軍殺我，死且不恨。復回身欲自投庭前井。左右救止之。曰：知縣曰：將軍不可如此迫他。北國皇帝要四人活，底朝見。公事不小。酒罷各散去。是日四人無晚飯。澤利使人監視愈甚。以至執縛其柱，毀罵百端。惟待朱后稍緩，蓋澤利思之私也。二十五日、二十六日至徐村。自信安縣行至徐村二百餘里，並無人煙。至是澤利分兵馬一半先行，持文字報捷。先至真定，留一半護衛。是日申時自北而軍，馬三百餘人，首令見澤利，下馬作禮。語言鄒查不可辯認。其中一句可辯云：已遣四太子下江南，到建康。二十七日到白水鎮。朱后又欲投水。鄭后止掖之。澤利怒曰：可縛之。乃與鄭后連索臂腕，用馬夾於馬隊中引行。望見一堡極高，上有旗幟，書周鄭二字。良久寨門開，有土豪兵甲約有五百餘人，皆長鎗大棒弓箭，徑來衝擊。澤利與之合戰，流矢中太上傍一番人之脅。太上甚懼其來。后乃河北鄉民強壯，聚集保護鄉民村者。自辰至申，鄉民為澤利打圍，稍稍敗去。駐軍大林中。有執鄉民者，澤利呼前而謂曰：這四箇是你大宋皇帝皇后，今放汝歸去，告報諸鄉。即日歸降。遂令二帝及后四人言我是南朝官家。今往燕京朝大金皇帝。鄉民不覺淚下。謂帝曰：我這一鄉周鄭所聚三千餘人，北連真定，南接懷衛，約有三十餘里。此是鄉兵強壯者，日日舉首南望。

要見南宋官兵。前去破殺金人。今官家被其執縛。我等鄉兵不久自散也。又聞康王入南京做官家。不知如何也。澤利曰。康王也被捉後面來。所執鄉兵今放去。是晚帝及后皆宿于野中。上無遮覆。至半夜有微雨雷自北起。衣服皆垢膩。為雨沾濕。至曉雨大作。泥雨中行數里。方及一寺。駐軍于中。方得少息。移時雨息。皆水泥遍身。二十八日。二十九日。並在荒野中行。不知里數。其番騎皆於馬上食乾糧肉。及有擄掠到飲食。隨行取水煮食。帝及后微得此食。二十九日晚。澤利解衣數件。泥污皆遍。令朱后就野水中洗濯。朱后不能舉首。鄭后二人洗之。二帝亦於水邊自洗身中泥污衣服。是日天氣稍和。望中林木青翠。山色可愛。野水清淺。自山中流出。正駐軍次。北有一騎手持黃文字至澤利前。曰。速行速行。澤利唯唯。其人向前鞭馬而去。四月初一日至真定府城下。不入城。從此催促急行。不得炒緩。是日不住行。飲食合止於馬上喫乾糧及肉少麵。至晚約行百里。宿一古寺。初二日少立寺門外。澤利立山門上。遙見一簇軍馬自南而來。約有五百餘人。中間擁十餘人。皆是房族內有柔福帝姬。康福帝姬。相國公可辯。餘皆不可識。皆着青袍白袍。二帝與后遠視。舉聲大哭。左右催促行。不及一語而過。移時又如前有馬軍簇擁皇族。又有二十餘人在三十里外。直

奔來行不駐足。又少刻如前馬軍。有一馬軍人至寺前。謂澤利曰。此隊中有康王先去燕京也。言說去甚疾。移時累累不絕。凡過軍馬十八隊。皆是擁送皇族。皆二帝二皇后。但傷痛流涕不止。不復形容。至日晏猶催行。至晚後騎報言。鄉兵散數隊。約千餘人。在北寺中屯駐。澤利叱左右曰。分兵一半前往殺之。乃遣次將骨夜叉將軍馬前去迎戰之。夜半令人回報。殺得人兵皆四散。得糧食而返。初三日過一坡澤。傍其中殺倒死尸堆積。臭穢不可近。有狼二頭在其中噬嚼尸肉。見人驚散。烏鵲鳴噪。可驚可駭。是日在陂野中。天氣稍熱。無水可飲。帝渴甚。不供甘旨。自三月半間拘執甚急。雖便溺必使持刃隨從。自初五日已後。不復能記月日。蓋行廣野大途。日以饑渴為念。不復記憶也。但云或日。觀者自可見其次弟也。或日至一鄉村數十家。見澤利至。俄有一褐衣前拜。澤利奉上酒食。帝及二后四人亦有酒食。頗豐腆。或日至一縣。不暇問名。亦有官出迎。如前備酒食。內有知縣者。乃一番官。見澤利畢。次見帝及后。曰。小番取得肅王小女為妻。要見皇后。乃引一女子前拜。已成報矣。視太后等泣曰。奴肅王小珍珍也。呼太后為婆婆。朱后為姆姆。曰。前日為馬軍擁遏至此。其皆領方戶。不知姓名。與此知縣是兄弟。將奴嫁與他。今成親六日矣。前日在此。知縣中諸皇

孫兄一十七人。皆為諸金人分去。或為妻者。或為妾者。東西南北矣。拜說未畢。為知縣引回。是日晚宿一豪家。主者接澤利甚有禮。中夜置酒。命妾數人出勸酒於庭上。命兵士數輩執縛帝及后於庭下。以至使溺澆之。不能仄仄。勸酒婦人皆美色艷服。良久酒罷。澤利與豪家趨別館。美妾吁嘆相謂曰。吾與汝皆是太上皇女孫。今日伯伯做官家不好事多。不如我公做官家快活。今落簿在他家做婢。何有出期。再三流淚。為人所呼入庭。帟而去。或日至一州。亦不記州名。郭內人煙稍密於他州郡。澤利在驛中安泊。知州與官員來相見者。皆是番人。買賣百姓有來館驛中間。知是二帝二后被執縛。徃徃亦有流淚者。或默然。或低聲語曰。南京有官家張邦昌。係是金國策立才做官家。便叫康王即位。大金官家怒發。已差四太子領人馬去收復也。時隔窻間之。方知康王不在番中。日前騎兵所言康王在隊中。蓋妄語也。是日稍稍得食。但粗糲不堪爾。或日到一縣極荒殘。有屋七八間。城郭皆缺烈。有一女子年二十餘。路傍垂泣曰。我乃南朝皇孫女。因病為大軍挈到此。不能存活。見太后過。乃拜曰。帶取奴去。后不敢留。左右或報。澤利視之微笑曰。一就去。遂令左右扶上馬上而行。是夕宿於野寨。澤利醉淫其女子。醜惡之聲。二帝皆聞。不敢開目。次遇有餘食。皆



與女子分食。謂朱后你不如他也。或日行及一城。不知是州是縣。止有番  
 兵二千餘人。並無百姓。首領見澤利再拜。懷中出文字示澤利。乃呼左右  
 去帝及冠幘衣帶如囚狀。坐一小室。良久有人持文書示帝曰。可依此式  
 作表達燕京。一兩日中到燕京也。其文引留懷愍及孫皓劉禪石少主故  
 事。及尊大金為湯武。比滅契丹。而又滅南宋。功德巍巍。及請罪免死之意。  
 持文書者呼左右取紙筆與帝曰。速寫速寫。帝不得已。乃作表書云。亡國  
 囚俘趙某。并男趙某。及婦妾鄭氏朱氏。謹稽首再拜。大金輔天佐運。應道  
 法古至德。皇帝陛下。重念某承祖宗基業。立民為國。不能上順天令。下撫  
 人民。聽讒臣之言。結怨外國。循賊臣之求。積釁華夏。致上國興弔伐之師。  
 下將作向明背暗之行。今一家被虜。百口分飛。父子二妻。聽命機下。伏惟  
 陛下德過堯舜。威勝湯武。既以滅當立異姓。而二子之誅。尚祈哀念。併與  
 赦原。云云文成多為改刪。其中悞慢。不欲具錄。其末句有云。愍哀懿厲。未  
 知今日之借。湯武文高。曷敵此時之舉。是日作表。出行三十餘里。抵深夜  
 月明方止。或日及一官府。皆新創造。牌曰收復新門。及列兵刀二十餘人。  
 甲士五七十人。傳呼曰。呼趙某父子。二帝為執。而入其門。兩道皆栽榆樹。  
 少立庭下。堂上金紫人朝服侍衛甚多。中坐三人於西向。二人於東向。引

帝北面再拜。上有人傳指揮曰：「將他二人去見海濱侯畢，來日入城見即立。」言畢趨出大門。復入小門，至庭中見人朝服無巾幘，立庭砌。若有所伺者。左右指謂帝曰：「契丹主耶律延禧也。與汝罪狀一同在此。」公事未了。言訖復引上坐一小室。少頃，延禧亦入。頭有巾幘，揖二帝曰：「吾契丹與大宋南北二百餘年，未嘗絕和好。一旦為奸臣所謬，俱至於此。為之柰何？」且曰：「公父子明後日，北國皇帝須有赦罪之理。我已在此三年，尚未了絕。」二帝曰：「何事未了？」延禧曰：「我祖真宗皇帝在日，有百穴珠一顆，大如鷄卵，上有百穴。每穴中常有真珠一顆。月圓之夕，以珠映之，其生珠穴中自落。下以絳羅承之，每日可得珠百顆。又有通香木一段長尺，沸湯沃之，取其汁洒衣服，及萬木花卉屋宇間，經年不散。人有奇疾，服之即愈。燒之皆降天人神。香氣聞之數百里。當時契丹為大金所滅，二物不知所在。今北國皇帝將延禧拘執，須要此物。緣此三年未得釋去。我妻子族屬盡皆分散作他家貴人。美貌者入富家，醜陋者入民庶家。帝曰：「此為何處？」延禧曰：「此名平州。去燕京尚有七百餘里。」勉之勉之。良久有人引延禧出，帝立廡下。又有甲士擁一番囚至者，見車咽麵單子被俘至此。其人不罵，言語不可辯。主者乃命以刃斷其舌，牽出斬之。其妻美貌，再拜請命，怒亦斬之。小兒子四

人。并令敲殺。主者令引帝出其門。見二后尚立墻下。映日而哭。同行至通衢。斥令上馬而去。遂復出一城門。向北而行。道間花卉甚多。有急足二十餘人來往不止。曰。郎主召見四子于江南。今日便令兵前去。帝與太上立路傍。時有二入皆南朝人。為兵卒者。不知為帝也。乃相謂曰。五月一日康王南京即了位也。今日早已十日。四太子去後。不知如何。餘語低不可辯。少刻路開。左右催行。至晚行得百餘里。其時近暑。二帝及后衣服垢膩。蟻虱不可衣著。頭無巾幘。宛若囚徒。行三日。不曾見澤利之面。亦不知澤利在軍中。左右時時詬責。言語不甚能辯別。行數可有人呼帝出。謂曰。四太子。太王軍至。汝可見之。路傍有一寺。四太子坐胡床於臺上。引二帝二后拜於臺下。四太子且詬責曰。汝父子無道。致有今日。若當時信我國家言。誓海上之盟。共滅契丹。分其土地。南北為國。豈有今日。柰何不順天命。與契丹二疑連和。欲坐觀成敗。彼勝則從彼。以破我。我既勝矣。猶不能從我。汝之愚一也。吾兵已破京師。皇帝慙念生靈。與汝講和。以河為界。汝又不伏。勞我師徒遠征。汝之愚二也。且天子死。社稷亡。汝祖宗二百年基業。不能守成。內則奢侈。外則結怨。一旦滅絕。何面目見國人。尚忍死而覘我。何慚如之。汝之愚三也。帝與四太子所責。俯首流汗。不能言。但與太上二后

再拜而已。續呼左右取筆硯。令少帝作書。召光世。韓世忠。劉錡等歸。復曰。今日夏至節。賜汝酒各一盃。令左右於金瓶中斟酒四盃飲之。再拜而飲。太子復謂帝曰。北朝皇帝無殺汝道理。不失為侯王。言訖。上馬而去。鞞鼓鍾鈺聲動天地。時二后自出京以來。足跣不復能行。雖乘馬。足皆生瘡。肌肉瘦瘠。二帝亦枯槁不類生形。為左右監者詬責鞭扑。欲死無路。金人衣服共相結縛。夜卧不相捨。二后及帝與番奴連腕並手。合坐同食。似此行路五六日。始達燕京。蓋契丹舊都也。入門小類東京。既至內門。金主登殿。左右執帝及后膝跪于地。皆再拜訖。其門下左右列金紫貴人。或綠或褐。或傘或笠。或騎或車。約有數百人。皆稱萬歲。良久。傳呼令左右賜巾幘。又有侍官二人自金門出。傳金國主聖旨曰。皇帝勞汝。賜衣服。沐浴。來日入傳。遂出赦書。引帝入都堂。見宰相。至堂下。堂上坐一人。左右曰。此銀朱字堇相公也。帝亦再拜。堇荳荅拜。中侍立堂上宣赦。其文不復載。後曰。赦趙某父子之罪。免為庶人。引帝及太上二后入朝。皆巾幘青袍。二后衣服如常。至殿下。北面再拜訖。其門下左右列金紫貴人。國主自殿上傳勅。封帝為天水郡侯。太上為天水郡公。各於燕京賜宅居止。左右唱命。二帝及后。再拜謝恩。左右引去。入一小室。良久。有二皂衣吏引帝并太上二后入。

一官府門有牌曰燕京元帥甲第。至中庭。有一褐衣番人。至於堂上。曰燕京元帥。帝乃再拜。皂衣吏呈文字於元帥。筆署其末。令引去。皂衣吏引帝出門徒行。護衛者二十餘人。經十餘街。始及元帥府。入門轉左廊下小屋中。呼帝與后坐其中。並無椅凳。惟磚石三四枚而已。時帝終日下拜。又飲食不進。驚皇不安。兩日之中。止飲水二杯。二后但哭泣而已。欲觸柱死。左右立止之。二十二日至三十日。並在室中。外戶鎖閉。監侍者十餘人。日所食者。粗飯四盂。米飲四盂而已。相顧不復能飲。朱后有疾。卧冷地上。連日呻吟。監者尚加詬責。少帝語左右曰。汝等可憫念我國破家亡。取此湯水相救。左右引去。曰。我國禁衛諱言犯者。過如殺人。汝呼憫字。已該死罪。尚敢呼索湯水。再懇之不顧而去。六月一日。早人引帝及后至元帥庭下。令帝再拜。左右唱喝。如云。旬月見之狀。良久乃退。時朱后病不能行。其左右監人皆負。雙手持后足。無禮特甚。是日之後。朱后病篤。初二日午死。年方二十歲。帝大慟。告監者曰。某妻已死。盍如之何。左右曰。於官。良久有皂衣吏引數人扶后尸而出。用衾薦卷之。共拽之而去。帝哭愈哀。不敢出聲。恐監者喝之。初三日。早有中使坐元帥府庭下。引帝后於前。傳宣曰。天水郡公父子可往安肅軍聽指揮。來日便行。令元帥府發遣。初四日。早元帥府

吏呼帝曰。官家聖旨。令汝往安肅軍居住。今日便行。帝曰。我母鄭氏稍病未愈。畧候晚行如何。吏怒曰。我北朝不比你南朝。令在必行。你若守正。不至今日。到此尚不遵法令。叱罵。帝不敢對。乃徒步前行。護衛者二十餘人。自元帥府行至晚。始出燕京北門。宿捕司房。捕司如南朝尉司也。鄭太后不能行。帝與太上共扶。或肩背之而進。是夜雖宿捕司。並無飲食。六月初一日時甚暑。行沙漬中。每風起塵埃如霧。面目皆滿。又乏水泉。監者二十餘人。為首曰阿計。稍憐二帝。乃謂曰。今大暑熱。稍稍食飽。恐生他疾。此中無藥。至有水處。必令左右供進。因此鄭后疾漸愈。初一日行至十一日。所過村邑。飲食稍為阿計替勸勉。又戒左右勿得叱喝。日中極熱時。亦得少息於木陰之下。帝時年十九歲。太上年二十六歲。形容枯黑。不復有貴人形質。若此行非阿計替護衛。六月甚暑中。一死無疑也。十二日晚至安肅軍城下。其城皆是土築。不甚高。入其門。守衛者皆搜檢。以至鄭后臍腹間。亦不免摸過。雖他人出入亦然。蓋入城者。防內事故也。行經數街。始至官府。入門引帝入。及太上太后立庭下。左右唱名。令帝再拜訖。知軍者別呼綠衣吏引帝三人出門。入一小室。令帝坐其中。送粟米飯漿。令帝后飲啜。阿計替從外至。語帝若相別安慰。遂引去。自此帝封固室中如前。時帝后自

春及夏。漸行泥水間。衣服垢膩。又生蟣虱。以至循行。苦楚不勝言。獨有一阿計替者。自澤利命之監守。至今不曾厮離左右。時時為帝洗濯。但言語不辯。時至晚一二句。十四日。知軍使人呼帝至庭下。且傳北國皇帝聖旨。曰。天水郡公趙某父子。並給賜夏衣一襲。視之乃紗白二段。生絹一段。令帝謝恩。帝拜受。使人持其物同歸。其物乃為監者取其半。復以舊紗褐衣。并生絹付帝。曰。可衣此。庶免汝裁造也。自此日坐室中鎖閉。惟得粟米飲漿水各三盂而已。餘無所有也。十七日晚中夜間。外有喊聲。衆大驚。火連天。殺人大亂。蓋安肅知軍有二人。一是契丹。一是大金。二人不知其契丹人欲殺大金知軍。劫二帝南歸。投西夏結連。易定一路。謀尚未發。偶以酒醉鞭撻一奴。奴去告大金知軍。遂舉兵圍契丹。人殺傷殆盡。至曉方定。其火燒連屋宇近百餘間。殺傷凡七百餘人。火燒至二帝所居室。三丈許乃止。不爾為火燒死。蓋拘索之故也。十八日早。知軍在庭上。引帝至庭下。且責曰。你與契丹結連。殺我同歸西夏。我昨夜已殺了也。今奏知大金皇帝。共你理會。帝曰。某在囚中。防固甚密。何由與彼通情。知軍怒曰。見有告首人在。你不得胡說。瞧好公事。帝爭不已。知軍命左右以鞭擊之。帝口血出。齒碎。令人拽去。復入前室中。拘之以繩縛。帝泣不能出聲。是日飲食不至。

惟監人私以漿水并少飲進。三人分飲。至夜固繫愈急。至六月二十日並如前。二十三日知軍坐廳上。引帝至庭下再拜聽詔。曰。趙某父子。朝廷免死。且令居止安肅軍。却結連同知李奉國。意欲反叛。未欲賜死。更令往雲州聽候指揮。仰安肅軍發遣前去。讀訖。命吏引去。帝再拜謝恩。哽咽不能言。知軍怒曰。你尚敢如此。你當初要殺我。我今日如何放得你。命左右拽帝坐地上。以柳條鞭十五餘下。帝哭泣如雨。痛楚久之方甦。戒左右即令便行。至晚出門宿野庭中。時甚暑。帝身有傷苦痛。坐亭中地上不能起。止。至夜深月出。始得少飲。三人分食。太上因暑熱成病。監人取青草野木板布于地上。令二帝卧其上。云不為地濕所迫。可以無疾矣。二十四日至三十日在路遭大雨。或大風。狼狽萬狀。不復抄錄。如是數日方達雲州。如前拜同知於庭下。令左右引帝入土園中。内外有兵守衛。雖衣帶皆為取去。蓋防自縊也。日惟一食。至八月十七日有綠衣番人。手持鑰匙開上門。呼二帝及太后出門曰。大金皇帝赦汝罪。教汝再往燕京。可出謝恩。時帝以稽首稱謝。蓋誠心也。其綠衣既引帝出土園。復入一室如前。因閉之。日間得飯一木器。漿水一木瓶。時天氣稍涼。二帝食漿水飯。疾作。待死而已。二帝受禍已及半年。置之無可柰何。不復愁苦。但衣袂經夏糜壞。寒不可敵。



監者或遺以敝衣。稍稍得其相補。十月或日早五更。忽鼓聲四起。人兵奔  
 亂。殺戮。火光燭天。蓋同知下有將捕千戶者三人。作亂。緣同知奪其妻。故  
 舉兵。殺同知家眷六十餘口。及市中百姓六七百家。至日中方定。其千戶  
 者三人。皆下馬至帝室前。携衣數件。自牖中與帝曰。與你與你。吾曹三人。  
 今歸西夏矣。汝國中南京康王已做官家半年了。勉之。必有歸去之期。監  
 者二十餘人。吾皆殺之矣。吾不可久留。復贈帝乾糧數器。各上馬而去。是  
 晚城中大亂。有千戶執為亂者數人。斬之於市。乃止。經二三日。別軍始至  
 城中。方定。先是監人中有阿計替者。相從帝已半年。稍得侍護之力。帝謂  
 太上曰。阿計替前日為反者千戶所殺矣。雖城中大亂。吾父子不敢出此  
 門。柰何。言未已。阿計替自外至曰。且喜無事。帝問其不死之由。曰。我於死  
 人堆中藏伏。兩日夜方得脫。由是阿計替再監視二帝。外人來人二千餘  
 人。蓋同知官屬也。或日阿計替引帝至庭下。有紫衣二番人坐堂上。呼曰。  
 識我否。曰。不識。我蓋天大王。乃四太子之伯父。良久屏後呼一人出。帝視  
 之。乃韋妃也。太上俛首。韋妃亦俛首。不敢相視。良久。蓋天大王呼左右。賜  
 酒與二帝。太后曰。我看此箇夫人面。蓋韋妃為彼妻也。酒罷。謂監人曰。善  
 護之。阿計替引帝行。再入前室。然稍稍緩其監。飲食畧備。似此經一冬。衣

服以稍可禦寒矣。天輔十一年春正月一日。太京例以是日踈放囚禁。雖死囚亦得少出。阿計替引帝出外縱步。但不許出府庭門。帝觀翫。有一妮婢衣褐衣。口稱韋夫人遣來。手持一合子。且曰。夫人教傳語十一官人。八官人且忍耐。且密語曰。聞知九哥已即位。恐有歸路未晚也。其人將合子中物置太上衣中。奔走而去。帝視其物。皆棗麪所燒大餅也。阿計替乃佯言曰。是何婢妮送與他人。可速歸之。乃引帝入室中。問曰。適間九哥是何人。帝曰。九哥乃康王。吾之親弟也。今韋夫人是九哥母。來相報也。阿計替曰。十一官人是誰。八官人是誰。帝曰。十一官人吾父也。八官人乃我也。遂將其物與阿計替并新到監者二十餘人分食之。至晚更不復出。初三日例是日為偷日。雖婦女付物金寶。官中皆不禁。他日則不論。必置於刑法也。是日有黃衣者數人。各持飲食七八器。將五器與監者食之。三器使人賫入至室中。謂帝曰。食之。視其物。皆肉糜以肉并米合煮之。帝與太上太后食未已。已為監者持去。帝問阿計替曰。此食何為者。荅曰。此地風俗。凡善人惟設粥以食囚禁者。可與齋僧同功。故今日有人賫來此也。帝又問此家何人也。阿計替曰。此亦韋夫人所遣也。二帝與后因韋夫人在彼。稍獲安。十四日彼處已放燈。街市張燈。無鼓樂。但有金鼓。喧天至後而已。

胡婦胡女。携手於酒肆中。遇人即便暗合而歸。官中及父母皆欣不禁。二十日阿計替謂曰。今月二十九日。北國皇帝生日。作宴天下。此處同知大宴罷。皆赴燕京去也。蓋北國法先期十日。錫宴近郡。皆赴燕京上壽。是夜更闌。阿計替暗引向來送餅食。奴婢至帝前曰。夫人傳語十一官人。八官人。三兩日中往燕京去也。復來與不復來未可知。且保重將息。言已。急行去甚速。其他監者已覺。爭問其實。阿計替叱之曰。汝等不聞同知有指揮事。遂不復問。是夕帝及太上太后聞韋夫人去。甚不樂。二十三日。聞夫人同蓋天大王領馬騎前去。留下千戶五人。內一主首名啜鷄兀。領人從者三十餘人。至帝室前曰。蓋天大王韋夫人。共你父子二人。聯有公事。似你這般人。留之何用。若五七日。聞知得蓋天大王不再來。共你契勘這一場公事。呼監者二十餘人。戒曰。防固不可少緩。自此帝復與監人拘執如前。阿計替亦不敢少有庇緩。二十八日。阿計替前白曰。聞之四太子已上四川。及建康府。又為四太子打。康王南渡浙江。其勢恐不能及久。二帝聞之。太息曰。若九哥事不成。吾父子俱無所望矣。俄有持酒至曰。金國皇帝生日。例賜酒肉。帝就食之。二月一日。有探騎至官府中。報主首啜鷄兀曰。北國皇帝已差。蓋天大王往關西交點五路財客。別有文字。差兀西哺途來。

作此處同知也。初二日有皂衣持文字前來白帝曰。新同知到來要你文字。須便供寫。帝曰。所寫如何。曰。速寫速寫。詎罵言語不可曉。帝不得已。乃書如今案款。狀曰。近封天水郡公趙某。同男趙某與母親鄭氏。各年若干。謹狀。番人執去。初十日同知到雲州。引帝至庭下問訊。語言不可辯。令左右引去之。少刻阿計替入謂二帝曰。今日到者同知兀西喃途。乃是途右之兒。其父因從四太子往江南。為劉三相公捉去了。今來恨南家。將汝三人苦楚。又移二帝入一小室。濕淖不缺。帝泣相謂曰。吾父子死於此矣。阿計替曰。兀西喃途使我往燕京下文字。須一二十日方可還。二官人且忍柰寧心。我去燕京。一道與官人探問南國仔細來相報也。十一日至三十日並如前。三月初九日忽有一褐衣番人到囚所持文字曰。皇帝聖旨。又教你三人往西汀州聽候指揮。蓋緣新同知奏乞也。二帝且泣曰。又復何地去。俄有人引帝手被執縛驅行。至晚出雲州北行。約二十里方止息。自此以後。則日月不復記錄。蓋阿計替不在帝之左右故也。或日其所行地皆坑窟不平。有一監者言語稍順於帝。謂帝曰。此長城塞也。或日行五七十里。或九十里。辛苦萬狀。二帝及后足痛不能行。時有負而行者。漸入沙漠之地。風霜高下。冷氣襲人。常如深冬。二帝衣袂單薄。又為時後所梗不

能行。困卧古屋中。七八日方得少愈。又為監者催行。帝后病起骨立。不能  
 飲食。有如鬼狀。塗中監者作木格付以茅草。肩輿而行。皆垂死而復甦。再  
 行三四日。自北有騎兵約三四千。首領衣紫袍。訊問左右皆不可記。帝卧  
 草輿中。微開目視之。左隊中有綠衣吏。若漢臣者。乃下馬駐軍。呼左右取  
 水喫乾糧。次於皮篋中取出乾羊肉數塊。贈帝曰。是得此食之。肢體稍甦。  
 綠衣語帝曰。我漢臣也。臣父昔事陛下。為延安鈴轄周忠是也。元符中因  
 與西夏將交戰。為西人所獲降之。父子由是皆在西夏。臣亦作西夏部中  
 首領。宣和中西夏遣臣將兵助契丹攻大金。為大金執縛降之。臣今為雲  
 州總管。郎主命臣受炎國節制。發兵往陝西破曲將軍。今所領兵是也。因  
 言陛下勿憂。且契丹大遼王與大金連戰尚且不死。今見在昌合州收管。  
 况陛下不曾與大金苦戰。只是四太子下江南稍稍失利。金國中盛言張  
 浚劉錡韓世忠劉光世數人皆名將。皆可中興。臣本宋人。不忍陛下如此。  
 故以少肉為獻。言訖別去。經行已久。是夕宿一林下。時月微明。有番首吹  
 笛。其聲嗚咽特甚。太上口占一詞曰。玉京曾憶舊繁華。萬里帝王家。瓊林  
 玉殿朝喧絃管。暮列笙篳。花城人去。金簫索。春夢遶胡沙。家山何處。忍聽  
 羌笛吹徹梅花。謂少帝曰。汝能廢乎。少帝乃繼韻曰。宸傳四百舊京華。仁

孝自名家。一旦奸邪傾天折地。忍聽搗琵琶。如今塞外多離索。迤邐遠胡沙。家邦萬里。伶仃父子向曉霜花。歌成三人相執大哭。或日所行之地皆草莽蕭索。悲風四起。黃沙白霧。日出尚煙靄。動經五七十里無人跡。時但見牧羊兒往來。蓋非正路。時見城邑。雖在路之東西。不復入城。時方近夏。榆柳夾道。澤中有小萍。褐色不青翠。又如行十餘日。方至一小城。云是西河州。護衛者擁二帝入城。其地非復人煙。監者云是昔日契丹道宗囚高麗王王伉之所。其中方廣不甚大者。有屋數十間。皆頽弊。廊廡若官籬。落踈虞。不類人居。其護衛三百人。逐日旋伐林木。搭蓋屋宇居住。經兩三日。乃遣兵遣騎回歸。止留護衛者六七十人在彼。帝與太后在中間一室。不敢出入。飲食日止一次。皆是粗糲。或時有少羊肉。或日二帝相謂曰。我父子在雲州日。前後深得阿計替保護。微知得南地消息。如今相別。已經兩三月。不知其人還雲州也。無言畢。有人前白帝曰。阿計替是我哥哥。我名香查里。當時北國皇帝專使我二人監守你父子。如今阿哥被雲州同知便往燕京下文字。不久亦須此來。緣阿哥能寫文字。虜王時時要申發文字。故必須此來。阿哥去日亦曾說與我教保護。你三人安心不妨。或日阿計替回到舍中。揖二帝曰。且喜安樂。我自雲州往上京。又自上京至雲州。

又從雲州到此處。往復一千餘里。不勝艱苦。於懷中取出一紙。金二帝看視。其書上云。今年南事未定。苗傳劉卞廢了官家。本是劉正彥傳之訛也。立明受太子。又云。已得建康府車駕入悔。二太子已得四川。四太子已至兩浙。越帝視之。嗚咽謂阿計替曰。二太子已收四川。四太子已收四川。吾國祚可知矣。又云。苗傳劉正彥敢如是。吾兒子方即位四五年。做得甚紀綱。良久。阿計替收文字入懷。自此阿計替謂二帝曰。今日七月初五日。後日七夕。你二官人在京師。熬好快活。二帝吁嘆曰。到此寧復話此耶。言訖。有甲士四五十人。喊聲喧呼曰。在此。二帝驚懼。不覺仆地。且曰。吾命盡今日矣。阿計替遂出。首立語曰。其事。帝自窻牖中望之。兩手足俱戰掉。少刻。阿計替持刀入帝所。帝驚以手掩目。太上太后亦然。阿計替乃高聲曰。不干你三人事。遂於帝所居室壁後執一小奴而出。付首立者殺之。携其首而去。近三時許。帝后神始定。尚未能言。阿計替入言曰。先來驚否。帝曰。何事。答曰。此自七日祭神也。我金國禮。於今日先伏藏一人於暗處。然後大領兵馬。佯為捉獲。斬首祭神。以首為上祀。身為次祀。羊為下祀。祀畢。人羊俱以煮熟啖之。使之布福。帝曰。若非汝唱言不關你三人事。我已驚悸矣。太后因驚得病。七日方甦。或曰。首力持人頭去者。以肉一臠詣帝前曰。布福肉可食之。

帝聞其氣臭穢不可近。辭之欲不受。阿計替在旁曰。受之可有福。不可不受。帝乃受之。首力舞蹈而去。或曰。秋風大起。冷氣逼人。阿計替曰。秋令至矣。俄空中鴈聲嘹唳。自北而南。時護衛者數人。皆為阿計替揮去。壁中有弓一張。阿計替曰。官人能弓矢乎。射鴈以下。此乃番胡事也。乃手持弓謂帝曰。我代官人卜之可乎。帝曰。然。帝乃執箭仰天祝曰。臣不幸上辱祖宗。下禍萬民。若國祚復興。當使一箭中鴈。以其箭付阿計替射之。一箭中鴈。宛轉而下。二帝拱手稽顙曰。誠如此卜。死且無憾。阿計替以微笑。取茅草。焚火破鴈矢而分食之。或曰。阿計替又密入室語帝曰。南朝聞說道四太子。盡得江南。迺運至洞庭湖。又云。金國官家。近使人往北國起人兵。前向江南廝戰。時天氣漸寒。帝后衣服皆腐爛垢膩。時時得阿計替集番婆胡婦洗濯。或曰。大雪數尺。室中極冷不可出。帝后顙膝相拄。聲顫不能言。阿計替持一披氈。蓋三人之首。稍獲安暖。太上自雲州一病之後。髮退無復再生。如僧尼狀。與番奴剃頭相類。是日極冷。人乏糧食。止得鴈一隻。於火上燒熟共食之。或曰。阿計替謂二帝曰。今朝已十月一日也。二帝曰。十月是天寧節。今日與向日不同。帝后並泣下。阿計替曰。天寧節何節也。帝曰。生辰節也。吾生於此日。未知死於何日。求生不得。求死不得。自古帝王之



辱。惟晉懷愍及石少主與吾父子耳。或曰天氣稍和。日色晴麗。阿計替曰。今日鞭春。此間便有少和氣。阿計替執羊乳一盃飲。帝后曰。以此代酒。其乳腥穢。遂強飲之。或曰雪霽天晴。阿計替呼帝曰。可出至矣。帝后皆以極冷為對。阿計替曰。春回鴈歸矣。空中鴈聲自南而北。千萬成羣而去。先是北地及塞。必掘地作穴以居數月。帝家中亦作穴深五七尺。帝后晝夜伏其中。其餘護衛人亦如此。是日始出坑。不復入穴矣。時天輔十三年。乃大宋建炎四年庚戌歲也。或曰午聞傳聞國皇后上仙。阿計替等六十餘人皆以布纏頭作孝。鄭太后曰。我何日死也。傳聞金主自皇后上仙之后。喜怒不常。帶刀劔。官人有忤己者必手殺之。阿計替曰。你國中有肅王乎。曰有。有女子乎。曰有。近聞皇帝以肅王女為嬪御專寵。由是皇后怒忿自縊而死。金主知其實。乃以手劔殺肅王女。以復后讎。鄭后聞之。肅王女王箱也。此女自小多奇。性異。於兵刃之間身死。應之。嘗記肅王妃。陳執中女也。孕王箱日。夜夢有青衣童子自天而下。手托一鉄線箱。內有王印二。紉曰。天錫爾王后。妃驚而寤。思曰。吾天王也。吾妃也。豈得父母為王妃。而女復為后乎。閱數歲。戲于水次。得王印一。文曰。金妃之印。究其復來於宮中池畔泥中得之。亦頗常玩佩。不去體。金人之城。皇族皆為掠取。此女為貴人。

元顏樹所得。每醉酒欲淫之。必中昏冒絕不前。乃以其女進呈於金主。金主幸之以為妃。生一男。後因后兄沮李宇進夏國李氏女為妃。兩人爭寵。趙妃欲以陰計中金主以雪國耻。偶皇后死。妃因侍奉間多以移意教金主殺左右及殺李妃。又因暑月嘗以冰雪調胸子以進。因此金主亦疾。時天輔十四年六月也。尋於十五年正月元日宮中飲宴。是時金主無后。止有趙妃當寵。其所生子因病而死。一日秋深侍坐。金主因問趙妃曰。汝為南朝族屬。豈得如此富貴。候后福薄。以你為皇后。一日因左右奏趙某父子見此西汙州。近者四太子又為韓世忠敗於金山。死於舟中。而回。南朝之勢漸欲廣大。可將此三人更移入北地。金主曰。可移向五國城。時妃坐其側曰。陛下以臣妾故。倘庇其父兄不至凍餓。亦妾之蒙恩也。金主曰。外事汝何得與。妃曰。父母骨肉何可不忍。陛下還有父兄也。無語甚厲。因此金主發怒曰。留汝在宮中。外有父兄之讎。內有妬忌之意。一旦禍起。吾悔何及。妃曰。汝本北方及小胡胡奴。侵凌上國。南滅炎宋。北滅契丹。不行仁德。專務殺伐。使我父兄孤苦。他日汝亦遭人如此夷滅也。金主愈怒。手刃殺之。或曰阿計替手持文字至前白帝曰。我共大王又走五七百里路也。帝曰何事。阿計替曰得旨。又移我這幾箇去五國城。來早走行。次日阿

計替引帝徒行。及護衛者六十餘人。出西汧州。至晚約行六七十里。帝后俱不能行。泣告阿計替曰。何不告金主。就此地便將我敲殺。何故只管教我千里去也。阿計替曰。須是忍耐強行。勿思他事。但有阿計替在。大王且莫憂。似此又徒行五七日。鄭后因病甚不能行。少帝乃負之而進。是晚太后崩於林下。時年四十七歲。倉卒之際。路傍用刀掘坑。以身上衣裹而埋之。二帝皆哭之慟。護衛人亦有不忍者。亦有詬罵者。催促起行。又經三日始達五國城下。入城頗與西汧州相類。有云此處乃是契丹囚咀羗西部黑人吐蕃奚國酋長處。城中有居民五七十家。皆荒殘不成倫次。入官府中。有大庭及廊廡。皆倒損。護衛者引帝至庭下。庭上坐一紫衣番人。阿計替懷中出文字示之。老番唯唯。使人引帝入左廡之下。小扉進一窄室。惟有小臺可坐二人而已。四壁皆土墻。庭前設木柵。護衛之人緘封而去。日昃得食一盂。二人分食之。五國城中凡居七八月。大槩一日一食。此一年中酒食一次。七月七日祭神得酒肉一次。阿計替與弟查查里爭一番中婦。阿計替遂手殺其弟。至十月間天寒。乃掘坑以居。二帝因疾疫不安。護衛者二十餘人亦死半矣。天輔十五年正月元宵。此處亦有少燈。皆於磁碗中貯羊脂以草為炷燒之。有僧五七人作佛事。皆胡僧也。贊祝官家福

祿萬壽帝問阿計替曰。此間去燕京幾千里。曰。已三千八百餘里。此處西上黃龍府二千一百里。此城乃候將李陵昔日戰敗之地。日中老番人以乳酪一甌使人持之。時苦雨。舍屋崩壞。墻壁圯裂。有蝎數十枚走出。螫太上之臂。疾痛移日。其餘蝎少。帝以土塊擊殺之。或日庭中列香案。庭上。紫衣褐衣。三番人飲饌云。是日乃金國皇帝生日。飲五七盃。皆有食次。後使人持餘食自隙中遺。帝曰。此皇帝所賜酒食。喫之。二帝食之。不復辯其名。食之皆嘔穢至盡。問於阿計替。乃密漬羊腸合馬腸共成之。非囚者所能食。亦此中珍味也。或日上皇因哭鄭后。一日失明。不能覩物。終日合目坐室中。呻吟求死不可。時年五十一歲。因語帝曰。吾祖宗二百年基業。一旦罹外國之腥膻。禍起奸臣之手。一家三千餘口。今惟見汝一人。在此。餘外骨肉流落。聞之皆為奴婢。雖韋妃為蓋天大王所得。雲州相別。不知今復如何。上皇不時泣淚。目疾轉甚。月餘一目枯矣。或日庭中設祭儀。若祀神者。云祭天王。蓋彼中所重者。是夜列燈燭。至中夜止。少帝於牖中望神。祝曰。只愿速死。南則愿中興。北則愿早遷內地。是日夢神自空降。揖帝於庭。謂帝曰。我實地方神。天皇者也。上帝命我統攝陰兵衛南北生靈。自此更十年。天下太平矣。南朝中興。與昔相類。言訖升天而去。帝寤語上皇。上皇

曰。吾之夢亦如是。何祥也。或日中有貴人坐庭上與老番相對。引二帝至庭下。語曰。北國官家欲立趙氏。稱是荆王女。吳王孫女。官家未知宗派實跡。遣我來問汝。可具圖上。帝曰。亦不知的實。族譜不存。難可考也。大金破京師日。宗正文字皆為北朝所取。相尚在。何不檢閱。無問皇后子細合對。便見是何族屬位下。良久中貴人曰。臣亦是陛下東京小中貴。離京師日方十六歲。今二十六歲矣。來時自燕京係是娘娘私自遣來。中路逢蓋天大王夫人韋夫人為我起居二帝及后。餘無所語。帝曰。鄭太后已死矣。中貴人又曰。今日十一月十一日想已再立皇后矣。嘗見皇后說在京師日。呼太上為伯公。今上為伯兄。皇后有二子。長曰珠歌。小曰青歌。早晚必有太子也。言訖上馬而去。或日有中貴坐庭下與老番人對坐。使人引帝至庭下。言稱金國皇帝與皇后旨揮。許令將鄭太后朱皇后同葬。與五國城官給棺木。俄有人以檐荷二竹簾囊二喪。皆零落骨殖。復合人取二木函殮之。乃許令天水公隨葬于淺山之下。仍有旨進封二后皆為大人。以皇后恩澤時放二帝囚禁。令城中自便往來。但不許出城。自此二帝間或出外坐而市中民家。且話南朝事。民不敢答。但供需少飲食而已。二帝以五國城去燕京三千八百里。燕京去京師三千九百里。相去絕不聞中間音耗。其中

人民亦少知。此居民見二帝衣服破弊。亦有少遺贈者。南嶺紀聞終

## 南渡錄大畧

靖康元年  
丙午二月

初二日。金人圍京城。三月初三日。金人北去。十一月十九日。金人元帥粘罕再圍京城。二十五日。京城陷。金人入城。二十六日。粘罕遣使入城求兩宮幸虜營議和。及割遼事。二年正月十一日。粘罕遣使入城。請皇帝車駕詣軍前議事。二月十一日。車駕出城幸虜。十七日。帝駕還宮。三月初三日。車駕再幸虜營。次早。帝見太上皇亦到虜營。初四日至十五日。間皇族后妃諸王纍纍至軍中不止。十六日。粘罕命以青袍易二帝所服。以常人衣服易二后之服。侍衛番奴以南家子呼帝。十七日。金國以張邦昌為帝。國號大楚。十八日。太上及帝并二后乘馬北行。二十一日。次黃河岸。二十二日。入衛州。二十三日。入懷州。二十四日。至信安縣。二十六日。至徐州。二十七日。到泉鎮。四月初一日。過真定府。五月二十一日。到燕京。朝金主。六月初二日。朱后死。年二十六歲。十三日至安肅軍聽候。六月末。移居到雲夢。紹興二年。鄭后崩。年五十七歲。二帝移居五國城。紹興四年。金主缺孫完顏亶即位。五年。移居西均從州。六年。上皇死。同年。移少帝往源昌州。八年。戊子。金人偽齊劉豫召少帝於源昌州。十月九日。少帝到燕京。與契丹耶

律延禧同拘管鳩翼府。帝移安普寺。紹興十三年賜帝居於燕京之北。紹興十八年岐王完顏亮殺金國主亶并缺后亮即位。紹興十五年徙少帝出居城東。缺田觀紹興二十年徙少帝入城。囚於左院。紹興二十二年春帝崩。年六十二歲。南渡大畧終至治集竊憤錄盛世持盈要靜功。四方多事可能同。中原政有貍奴過。不落肥兒一就中。格天閣上老姦雄。偷得人間兩地功。磊磊千年出師表。不曾半夜讀車攻。

永樂大典卷之一萬九千七百四十一

--	--	--	--	--	--	--	--	--



重錄總校官侍郎臣陳以勤

學士臣王大任

分校官修撰臣馬自強

書寫儒士臣梅子琦

圈點監生臣李莊春

臣蘇性愚



Or. 61 d.

OR 12021

ff 36.

m. Luncan

156 1450.

重  
續  
錄  
詩  
年  
刊  
雅  
日  
刊  
刊

學  
士  
日  
天  
上  
給

金  
外  
家  
林  
然  
一  
通  
日  
給

著  
述  
新  
書  
自  
給  
下  
給

國  
其  
通  
七  
日  
卷  
錄  
卷

三  
錄  
錄  
錄

OR. 12,021.

Or. 61 d.

